



Republic of Namibia

MINISTRY OF EDUCATION, ARTS AND CULTURE

NAMIBIAN SENIOR SECONDARY CERTIFICATE (NSSC)

OTJIHERERO FIRST LANGUAGE SYLLABUS

ORDINARY LEVEL

SYLLABUS CODE: 6101

GRADES 10 - 11

**FOR IMPLEMENTATION IN 2019
FOR FIRST EXAMINATION IN 2020**

Ministry of Education, Arts and Culture
National Institute for Educational Development (NIED)
Private Bag 2034
Okahandja
Namibia

© Copyright NIED, Ministry of Education, Arts and Culture, 2018
NSSC Otjiherero First Language Syllabus Ordinary Level Grades 10 - 11

ISBN: 978-99916-66-91-4

Printed by NIED

Publication date: 2018

OMURYA

1.	Ombutiro	1
2.	Ourizemburuka	2
3.	Ozondando.....	2
4.	Ondjivisiro ombweziwa	3
5.	Omurya wambi mavi rihongwa	4
5.1	Okuhungira nokupurateni	4
5.2	Okuresa nokutjanga	8
6.	Omatarero wondengu yoviungura	17
6.1	Ozondando zomatarero wondengu yoviungura.....	17
6.2	Orupe pokati kozondando zomatarero wondengu yoviungura na ihwi otupa pekepeke	19
6.3	Omahandjauriro wozombapira zomarorero.....	20
6.4	Omaraisiro wozondando zomatarero wondengu yoviungura otja pozombapira zomarorero.....	28
6.5	Omahandjauriro wozongereita	29
	Otjihohwa o-A: Otjitarero tjomaworonganisiro (Ombapira 1).....	32
	Otjihohwa o-B: Otjitarero tjOmatjangero Omahungame (Ombapira 1).....	33
	Otjihohwa o-C: Otjitarero tjOmatjangero Omahapokasana (Ombapira 2).....	35
	Otjihohwa o-D: Otjitarero tjokunyamukurira ketjangwa (Ombapira 3).....	37
	Otjihohwa o-E: Omirari vyomakaendisiro womarorero woposikore (Ombapira 4 & 5).....	38
	Otjitarero o-A: Omarorero woposikore – Ozongombe 20 (Ombapira 4).....	43
	Otjitarero o-B: Orupa o-A Omayandjero wehungi kozongombe 10 (Ombapira 5)	46
	Otjitarero o-C: Orupa o-B Otjihungiriro kozongombe 20 (Ombapira 5).....	47
	Otjihohwa o-F: Omahandjauriro womambo nga ungurisiwa	48

1. OMBUTIRO

Ozosirambesa nda za ungurirwa omerihongero wozombura mbari kombunda yomamaneno womerihongero woure wozombura mbari nge teza ku inga owosekondere yokehi. Ozosirambesa nda za ungurwa momuano wokutja ze yenenise mbi undjirwa ko morutuu ndwi o-*National Curriculum for Basic Education in Namibia* (NCBE) ndwa yakurwa i yotjirata tjomarorero, omatarero nomayandjero wotutuu twomatuurungiro hi o-*National Examination, Assessment and Certification Board* (NEACB).

Otja komirari vyokarikurema yehi arihe, omahongero wosekondere yokombanda (Ondondo oitja-10 noitja-11) na wina omahongero warwe nge he ri owokotjiveta nungwari nge varwa otja nge nondengu imwe na inga otjorupa rwomerihongero koure womuinyo, ye vara omuhongwa auhe otjomundu ku ye omuini peke nu opu ye riyamekera komahongero nge ri ongondoroka nomuhongwa.

Ondando yomirari vyokarikurema yehi arihe oku:

- zemburuka kutja omahongero ye kurisa ozongaro omundu nde vara otja ozonahepero nu wina otji ye kurisa ondjiviro nounongo;
- tunduza omundu kutja me ritjiwe omuini narire tja sora okutjiwa nokuyakura ozongaro nozongamburiro zavarwe na wina oviṇa ovandu varwe mbi ve vara otja ovinahepero ku vo nu tjinene mehi romaraka nozombazu ozengi pekepeke;
- hohiza ondengero kousemba wovandu na wina oukutuke wokuhungira;
- tjivisa oviṇe ovinahepero mouye mbu runduruka hakahana mbwi nu mena ranao mbu tuna kondengu yehupo: omitjise mbi tambuka po, omapupyarero wouye, omahenunukiro wondengu yokuti nozondendera, omahendekero momahano wozomburo zoutumbe wehi, omatakavarero wozondurumbata mouye, omatandaukiro womahakaenisiro nouzeu mbu yetwa i yomaungurisiro woviungurisiwa vyounongo oupe;
- zemburuka kutja otja imba ondjivisiro momihingo vyayo pekepeke pu mai yenene okumunikwa i ngamwa omundu, ovahongwa opu ve sokukura momerizemburuka kutja ve yenene okupanguṇa ndji ondjivisiro, ve rizuvise yo nawa nu ve i havehe nawa kutja ve sore okuiungurisa osemba;
- paha omiano omitoke nomihohize vyovahongwa kokutja ve kare nomasorero wakatjotjiri ngu maye ve pyukisa mokuyandja ohambwarakana ndji ri yo kozondendera, kombwiko na kehupo rotjiwana.

Mena ranai ozosirambesa za Namibia zehi arihe otji ze sokutjita kutja pe kare noruveze ku imba mbu mave rihongo okurihonga ounongo ounahepero onduurungu momihunga pekepeke vyomerihongero. Ounongo ohamukwao na imbwo kamaau rihongwa peke ku wo ouni nu owo mau yenene okuhanka otja movito pekepeke otja komihunga vyomerihongero. Eraka ri nohambwarakana ongarate momerihongero wounongo mbwa raisiwa nokanyose (*) kehi mba.

- Ounongo wovivarero
- Ounongo womahakaeneno *
- Ounongo wondjivisiro *
- Omazengururiro wozondjemeni *
- Ounongo womanyinganyingisiro worutu
- Ounongo womerinaneno nomeritongozero *
- Ounongo woviṇa vyotjiwana nomaunguriro wakumwe*
- Ounongo woviungura nokurihonga*
- Ounongo wouripura ouhengurise nu oumeme*

2. OURIZEMBURUKA

Omahandjaukiro womaraka mOnamibia tjimuna omatwirepo wawo kotjiveta, ondjinda notjiungura tjawo, ya runduruka tjinene okuza mongutukiro. Omarundurukiro nga ye t̃una ongarate komahongero womaraka nu indji omiṭiri otji ya kuramenwa i omatokero omape. Mu nai otje ri ohepero okuzuva kutja inga omarundurukiro nga ya yetwa i tjike nu inga omatokero omape owo nga yeṇe.

Omahongero mOnamibia aruhe ye kara kehi yotjihungiriro, omatarero nomapwisiro mongondjero ndji ha pokere yokukondja okuyandja omahongero omasembasemba kovandu vaNamibia otja tji mape yenene. Kehi yombepo ndji ozosirambesa zOmaraka Omatenga opu ze ungurirwa nokuyetwa momahongero i Ominist̃ri nondando yokut̃una onḁengu nomurya womahongero. Otjiungura tjokuyarukira nokutanaura ozosirambesa nḁe ri po nai tja memenwa komakareromo norupa, omatyasaneno nomaunguriro wakumwe mokati kovahongwa, ozomiṭiri novanarupa varwe kutja ozondando zosirambesa ze yenenekwe.

Omirari omiparanga ohunga nomaraka nozombazu vya isirwa kEartikeri oritja-3 noritja-19 wOngunḁeveta ya Namibia. Mokukondjisa okutwapo omirari vyokuyeta onḁekasaneno mOmaraka Omatenga, Ongunḁeveta komeho ya zikamisa omiano vyarwe vyomaungurisiro womaraka wOtjiwaṇa tja Namibia. Pamwe nomaraisiro nge ri mongunḁeveta nga wina kwa tarewa kOngurameno yOmahongero wOmaraka mOzosikore. Omiano mbi mavi yenene okuhandjaurwa amape tarewa ku imbi:

- onḁengu yawo momahongero otja omaraka mu mamu tuurungire ovirihongwa
- omaungurisiro wawo wokotjiveta movitjitwa tjiva tjimuna omananeno wotukondwa, omatjangero wozoveta, ozombanguriro, nv.
- ounanḁengu wawo momahakaenisiro wovandu nomaraisiro wozombazu zavo

Okuisira ku imbi otje ri ohepero okuyakura ozongurameno mbari ozombaranga zomananeno worutuu rwovirihongwa. Ongurameno indji ondenga i raisa otjiungura tjeraka moupāranga wotjiwaṇa, ngunda ongurameno oitjavari e ri otjiungura tjeraka komundu auhe kourike we. Osirambesa momuano mbwi otji i nyomokisa ondjiviro ohinauhendi younanḁengu weraka romundu omuini ku na inga owovandu varwe. Ongaro ndji mai yenene okutungwa indu tji mape tuwa po omiano omiwa vyomahongero.

3. OZONDANDO

Ozondando za handjaurwa kehi mba nu maze handjaura otjiungura tjomahongero weraka etenga komarorero inga wo-NSSC. Ozondando onḁe ri:

- okurongerisa ovahongwa kutja ve ritwe po oukahu mokuhungira na mokutjanga
- okukwizika ovahongwa okuzirira ku mbi va zuu, mbi va rese na mbi va muna momuano mbwa pwire po
- okuhohiza ovahongwa okuvara nokumuna onyūṇe momiano pekepeke vyeraka
- okuhohiza ovahongwa okumuna onyūṇe momaresero womamemwatjangwa nomahungi warwe pekepeke
- okuhohiza nokunyumokisa ombepo yokuhengurisa, okumema nondjiviro yomaserekarerwahungi wotjiwaṇa tja Namibia
- okuhohiza ovahongwa okukonḁonona oviūṇe ovikendise vyouundu mouye nokumuna ondjiviro moviṇenge ovinahepero moupāranga wouye

- okuwaneka ondjiviro yovahongwa movirihongwa vyarwe mokusungwa oumunongo mbuma mau yenene okuungurisiwa apehe (tj. okupangunguna, okuwaneka, okuhaveha, okuisirako oumune, okutetera omapu, okuyandja oumune, okuyova ongarera)
- okuyupika ovahongwa kutja ve ritjiwe oveni nokuzuva ozongaro, ozonandengu nozongamburiro zavarwe motjiwana tjomaraka nozombazu pekepeke.

4. ONDJIVISIRO OMBWEZIWA

Oruveze rwokupeterwa momuhunga nokuhongwa

Momaunguriro wozosirambesa zondondo ndji o-NSSCO pe ripurwa kutja ovahongwa ve nozoiri 130 ndu mave hongwa nokupeterwa momuhunga motjirihongwa atjihe moure wozombura mbari nda, nungwari indji ondunge uriri. Ozoiri ndu maze heperwa po okumana omerihongero nga mape zu kozongaro nde ri po poruveze handumba ndwo na wina indji ondjiviro ovahongwa ndji va yende na yo mOtjiherero. Otja korutuu ndwi o-*National Curriculum for Basic Education* (NCBE) Otjiherero otjeraka etenga matji hongwa ozoperiyote 8 aihe ndji noure wozominute 40 moure womayuva 7 poo ozoperiyote 6 aihe ndji noure wozominute 40 moure womayuva 5, koure wozombura mbari.

Ondjiviro ovahongwa ndji va vazewa na yo

Mape ningirwa kutja ovahongwa mbuma mave rihongo Otjiherero pondondo ndji va sere okutja va ri nOtjiherero otjeraka etenga pondondo yOsekondere yOkehi Ondondo oitja-8 noitja-9. Kape heye kutja omuhongwa tje hungira Otjiherero okutja opuwo wa yenene okurihonga Otjiherero pondondo ndji. Eye u sokuyenena okuresa Otjiherero notjikasuka (omambo ape 200 mominute kumwi) nu ama paka mbi eye mbi ma rese. Ohepero tjinene kutja omuhongwa wina ma tjiwe okutjanga otja komazeve womutjangahingo wOtjiherero.

Omakaendero wokomurungu

Omerihongero pondondo yo-NSSCO omerihongero omaparanga nge yandjera ovahongwa okukauta okuungura tji va mana poo okukerihonga komurungu. Ovahongwa mba tona okumuna ozongereita nda o-C nga ko-A* mo-NSSCO va tongo pu pa yenene okurihonga Otjiherero otjotjirihongwa pondondo yo-*Namibia Senior Secondary Certificate Advanced Subsidiary* (NSCCAS) indu tji tja yakurwa pondondo ndji.

Oviungurisiwa ovivatere nomambo nga yakurwa

Ozosirambesa pondondo yo-NSSCO, ozombapira zomapuriro nozorapota zovatare vomarorero ze hindwa kozosikore azehe. Ovisanekero vyo zombapira zomapuriro notutuu otutarero wina tu hindwa kozosikore. Oviungurisiwa ovivatere momerihongero nomambo nga yakurwa ye tjangwa mokatoroka komambo omerihongerwa kosekondere yokombanda kozosikore.

5. OMURYA WAMBI MAVI RIHONGWA

5.1 OKUHUNGIRA NOKUPURATENA

OZONDANDO OZOMBARANGA <i>Ovahongwa maave:</i>	OZONDANDO OZONDJENENISIWA <i>Ovahongwa mave sokuyenena oku:</i>
1. puratene nombakatwi kondjivisiro ndji ri momahungi pekepeke, tj. outjangwa, omaimburiro, ouyandjwahungi, ozondaze, ozongundasaneno, omahepu, omatjivisiro ngu maye piti moratiyo novihungiriro nu ave nozondando pekepeke	• puratena komiimbo, ouhungi ousupi, nv. nave hara onyune nondjoroka • raisa omazuviro omawa wambi mave puratene • yova omumenga norunakwi nave munu ongongorasaneno yambi va puratene • ungurisa ondjivisiro ndji va zuu • rizuvisa ondjivisiro ndji va puratene nave i waneke kumwe (tjimuna rumwe okuzikamisa omahitsaneno nomapitsaneno poo ouvi nouwa mbu ri mu indji ondjivisiro) • uka mbi mape ya avi tjitwa komurungu momahungi wokotjinyo ovo ngu mave puratene • ungurisa ondjivisiro ndji va zuu okutjanga omatjangwa, tj. ozorapota noomaningiriro • para ounouta pokavapira okuisira ku mbi va puratene
2. puratene komaraa nokuyezuva nawa	• zuva, okumuna nokurizuvisa omambo omanandengu nge ri momaraa, tj. - handjaura omaheero - tamuna - pangura - sasaneka - hungirira ko
3. pangura pokati komapuriro pekepeke nave nyamukurire ko momuano mbwa pwire po	• zira omapuriro ngu maye hepa ondjivisiro ombweziwa ousupi nu mondja otja tji pa pwire po • zemburuka omapuriro ku ku hi nokuundjirwako eziriro • nyamukurira komapuriro wozosaneno pekepeke, tj. weziriro rimwe, omapaturuke, “Ii!”, “Kako!” noweziriro ndi iwe, tj. “Katjo?” “Etjo re?” “Tjiri?”
4. zuu ondjivisiro okuza mozomburo pekepeke nu nde nozondando pekepeke	• ungurisa omuano nozondya zeraka nda pwire po otjitjita kaaŋi ho • hara oumune nongurameno okuisira ku mbi va zuu • muna orupe pokati komerizemburuka nge ri mu imbi mbi va puratene • sasaneka nokupangura pokati kondjivisiro ndji va zuu • yandja ehupu ohunga nondjivisiro ndji va puratene • raisa omazuviro omaparanga wondando yomuhungire otja tji pa pwire po • raisa kutja mave zuu omahanikiro mozondya zeraka otja potuveze novitjita pekepeke oro pu mari ungurisiwa, tj. povitjita vyokotjiveta na mbi he ri ovyokotjiveta

5.1 OKUHUNGIRA NOKUPURATENA (maku ryama)

OZONDANDO OZOMBARANGA <i>Ovahongwa maave:</i>	OZONDANDO OZONDJENENISIWA <i>Ovahongwa mave sokuyenena oku:</i>
5. munu omaheero nga omanaheperohepero wehungi poo motjihungiriro nokuhaveha mbi mbi va zuu	• toorora omapu nga ohongora nga pwire po otjiṭo kaṇi ho • rizuvisa otona yomuhungire okuisira komuano eye mbu ma twa po omambo • zemburuka ondando yomuhungire, ongaro ye ku imbi eye ku ma hungirire, otjivepo eye tji ma kunu nondimwa yehungi re • hara oumune nongurameno okuisira ku imbi omuhungire mbi ma vanga okuheya • zikamisira ko omuhunga ku imbi ovo mbi va zuu • haṅa pokati kondjivisiro onahepero na ndji hi nohepero mu mbi va puratene • nyamukurira kondjivisiro ndji va zuu momakundiro, motiivii noratiyo, mouhungi na mondjiviro yavo oveni otja tji mave pasana • sosonona nawa nokunyamukurirako ku mbi va zuu amave raisa kutja ovyo vi ri nawa poo kavi ri nawa
6. hungirire kondjivisiro nomeripura ngu ve na wo	• hungira nokuhinokukekeyakeya movihungiriro • hongorera po otjihungiriro tjakatjiri nouṭakame • yandja ondjivisiro nomapu momuano omukahu • nyaturura omeripura momuano omuzuvakwa • zuva nokuhungirira komuhunga mbu va toora nave nomerizemburuka omawa • zemburuka nokuserekarera ovitjitwa okuza mehungi
7. hungire oukahu amave woro ombosiro nokuṭaṭera komambo tjiva otja tji pa pwire po	• tamuna omambo osemba nomuzeze keraka kutja ve zuvake nawa • raisa otjivepo amave woro nokuzeuparisa omambo nawa
8. ungurisa orutumbo rwomambo oruhandjauke moviṭo pekepeke kutja ve zikamisire po omaruka omape nomatamunino wawo	• ungurisa orutumbo rwomambo oruhandjauke noruparanga • seturura omambo nomihewo omisupi otja motjiṭo ovyo mu vya ungurisiwa • ungurisa omihapo vyongaramatika osemba • toorora omambo nomiano vya Tjipangandjara mbya pwire po tji mave hungire
9. nyamukurira ko kotjinyo moviṭo pekepeke otja tji pa pwire po	• raisa oukutuke mbwa yenene tji pe ya kokuripurira kovina ovipe mbi mavi tjitwa • raisa kutja mave tjiwa kutja ooveṇe mbu mave ve puratene kutja ve toorore omambo nge ve ketere • pura omapuriro nge ri wo okukahurura mbya puratenwa • nyamukurira ko momuano mbwa pwire po mongundasaneno poo mombori • twa po oumune mombimbo yehungi poo etjangwa ndi mari kaenda ohunga nepu kaṇi ndo, tj. okuzirira ku mbi mavi raisiwa mehungi enahepero ohunga nondjiviro yorive ndjo

5.1 OKUHUNGIRA NOKUPURATENA (maku ryama)

OZONDANDO OZOMBARANGA <i>Ovahongwa maave:</i>	OZONDANDO OZONDJENENISIWA <i>Ovahongwa mave sokuyenena oku:</i>
10. tandra omiano pekepeke vyokuyandja ehungi rokotjinyo	• tjita kutja omuhapo wehungi u hitasane ku notjimbumba tjovapuratene • ungurisa ondungiro yeraka, omazeve wongaramatika norutumbo rwomambo osemba • zuva ondimwa yehungi, omapu ohongora nondando yehungi nawa • nana oviuṅe nondjivisiro yorive ndjo nokuviungurisa osemba
11. kuru mounongo wokuyandja ehungi rokotjinyo	• raisa omasorero movitjitwa vyokuhungira pekepeke, tj. okuzira omapuriro ohunga nomapu nge ri momuhunga mbwa tuwa po • zirira kehungi rokotjinyo, tj. ehungi rokomurungu wovandu, ozorapota, omahandjauriro, omakundiro, ehungi ropokati kovandu vevari poo komeho wanao, ombuze ondjinganise yovirandwa, omaimburiro, amatjangwa, omiimbo, otupa tu twa nanwa momambo omerihongero • hungira omahungi komurungu wovandu, ave yandja ozorapota nokuraisa oviṅa kaṅi mbyo • hungira omahungi kotjinyo nge nomirya nomitjazi • woronganisa ondjivisiro ndja ṅunwa nawa mehungi ndi mari hungirwa kotjinyo • hungirire kumune pekepeke momuano wounongo • yandja omaraa • hungire ehungi ndi he rirongerisirwe ohunga nepu rorive • nyamukurire kovinyae, tj. oviperendero, oviṅa kaṅi mbyo nozombosiro momuano wokumema • ungurisa oviṅepo korutu momuano mbwa pwire po • zuu nokuungurisa omiano vyanambano novyokondumbwa vyokuserekarera omahungi • nyanda ounyando ousenginine nowakavizeeze
12. ungurisa eraka okurizuvakisa nawa nokuraisirapo momihingo avihe	• raisa kutja va itavere poo kave itaverere • raisa okuhinakuyenda kumwe momuano wondengero • raisa oumune poo ongurameno yavo • raisa nokukahurura ongeyangeyero • raisa ombango ondwe yokuzuvisa

5.1 OKUHUNGIRA NOKUPURATENA (maku ryama)

OZONDANDO OZOMBARANGA	OZONDANDO OZONDJENENISIWA
<i>Ovahongwa maave:</i>	<i>Ovahongwa mave sokuyenena oku:</i>
13. zengurura ozondjemeni amave hungire kumwe nokupatasana moupore nu amave ungurisa ounongo wokutyasana	• raisa ongurameno motjihungiriro nu amave i zeuparisa nokuitandaura • ripurira kumune wovandu varwe nokuuvira wina • pirura oumune mbwa tuwa po nokutwapo warwe mbwa tja u rira wo • yeta ombata komaandero momuano wokutaverasana nokukotokera varwe • pitasana mounune nomapu omazuvakwa • yarura po oumune wavarwe kutja ve raise kutja ve ve zuu • tara momazengururiro kouzeu mbu ri po poo mbu mau risenginwa • raisa oukutuke wokukotokera varwe
14. ungurisa ongaramatika nondungiro yeraka momuano omusemba tji mave hungire	• ungurisa: - omapingenambo otja tji pa pwire po - ovimbumba vyomarukambo pu nomahondjere womatjite omaraizaruveze osemba - otuveze tj. omuhingo wohapo, orupeveze, orukapitaveze (rwandino norwarukuru) noruyaveze oruhazikama osemba - omaraize wopoṅa: ku, pu, mu osemba - omahandjaurambo nomamangururambo osemba - ungurisa omahondjambo nomahondjauripura osemba momituwakumwe nomihandjaukahewo osemba - amazengisiro wozombosiro, omeriyarukiro nomaravaerero momuano wokuraisa ongaro yomomuinyo, tj. “Tate kOkatjimana koombe ya Nahambo orupera! Omuatje wamama! Atatatata! Ai!” - otuwondja twomihapo vyondungiro yeraka nomazeve wongaramatika osemba - omiano vya Tjipangandjara novyohungiriro
15. paha ondjivisiro motungovi nokutoroka kutja ve i ungurise motjihungiriro	• toroka okuza mOtjiingirisa okukotora mOtjiherero: - paha ondjivisiro ndja pwire po ehungi ehungirwa nokutoroka - raisa omburo mu mwa isiwa ondjivisiro tje ri ohepero - keva kokutoroka embo kembo - tara kotjiṭo ndji ondjivisiro mu i ri tji mave toroka - hara omaruka omape otjokutandavarisa orutumbo rwomambo

5.2 OKURESA NOKUTJANGA

Oviuṅe mbi mavi rihongwa morupa ndwi vi ya mu ngamwa ozombapira zomarorero. Okutja ngunda amo hongo o-B (Okuresa nOmatjangero Omahungame), tji mo hongo o-C (Omatjangero Omahapokasana) poo tji mo hongo o-D (Omamemwatjangwa), oviuṅe avihe mbya teterwa kehi yo-A (Oviuṅe Oviparanga) vya sere okuhovekwa nokuhongwa ozombamba.

OZONDANDO OZOMBARANGA	OZONDANDO OZONDJENENISIWA																		
<i>Ovahongwa maave:</i>	<i>Ovahongwa mave sokuyenena oku:</i>																		
A: Oviuṅe Oviparanga 1. rese nokurizuvisa omaraa	• nyamukurira komaraa womomatjangwa nokuungurirako otja tji pa pwire po • zuva nokutjivisa ondjivisiro amave nyamukurire komambo ohongora tjimuna nga: <table border="0" style="width: 100%; margin-left: 20px;"> <tr> <td>- yova</td><td>- zikamisa</td></tr> <tr> <td>- kahurura</td><td>- tunga</td></tr> <tr> <td>- tetera</td><td>- pangura</td></tr> <tr> <td>- tamuna</td><td>- panguṅuna</td></tr> <tr> <td>- nyaturura</td><td>- sosonona</td></tr> <tr> <td>- seturura</td><td>- woronganisa</td></tr> <tr> <td>- handjaura</td><td>- sasaneka</td></tr> <tr> <td>- raisa</td><td>- hungirira ko</td></tr> <tr> <td>- rizuvisa</td><td></td></tr> </table>	- yova	- zikamisa	- kahurura	- tunga	- tetera	- pangura	- tamuna	- panguṅuna	- nyaturura	- sosonona	- seturura	- woronganisa	- handjaura	- sasaneka	- raisa	- hungirira ko	- rizuvisa	
- yova	- zikamisa																		
- kahurura	- tunga																		
- tetera	- pangura																		
- tamuna	- panguṅuna																		
- nyaturura	- sosonona																		
- seturura	- woronganisa																		
- handjaura	- sasaneka																		
- raisa	- hungirira ko																		
- rizuvisa																			
2. raisa omasorero wokuyendekera omapu omanahepero poo ozondimwa nde ri motuwondja twomatjangwa	• zikamisa omaheero wetjangwa moumbomba waro • rizuvisa ondjivisiro kaanṁi ndjo • woronganisa, okukahurura nokuhaveha oviuṅe pekepeke vyetjangwa • sasaneka nokupangura amave ungurisa omatjangwa komeho warimwe poo outupa metjangwa • raisa kutja mave zuu omeripura ohongora metjangwa na wina omeripura ngu maye zeuparisa nga ohongora • munu omapatero wetjangwa poo okuuka ondjandero yaro • yandja ohambwarakana kounune woharive metjangwa • yendekera oumune notjivepo tjomutjange mbi he ri poruhaera • yendekera mbi mavi risenginina, okaheho nomiano vyohungiriro novya Tjipangandjara																		

5.2 OKURESA NOKUTJANGA (maku ryama)

OZONDANDO OZOMBARANGA <i>Ovahongwa maave:</i>	OZONDANDO OZONDJENENISIWA <i>Ovahongwa mave sokuyenena oku:</i>
raisa omasorero wokuyendekera omapu omanahepero poo ozondimwa nde ri motuwondja twomatjangwa (maku ryama)	• raisa omasorero wokunana ombuze handumba momatjangwa tjimuna nga: - ouvapira wondjivisiro - ozorapota - outjangwa (wozotjaitonga, ozomangasina na vyarwe) - omayarukiro (tjimuna womambo noozomuvi nao) - ehakutwaraka
3. ungurisa otuwondja twounongo wokuresa (tjimuna okuresa notjikasuka otja pozondondo pekepeke amave ungurisa omiano pekepeke vyokuresa)	• tjevatjevisa omeho momatjangwa pekepeke okutooramo ondjivisiro ohamure poo ombutuputu • pahapaha ondjivisiro yorive ndjo momatjangwa • resa oukoto kutja ve zuve mbi va rese • ungurisa omambo omavaterere tjimuna nga osemba: - embo romambo (onditjineri) nu amave i ungurisire ozondando pekepeke - embo romaunongo (osikoropindiya) kokunwamo ounongo nondjivisiro yoharive - orungovi rwomahakaenisiro mu mu nondjivisiro ombaranga
4. rese ouhandjauke kutja ve mune ondjiviro ombaturuke nokutjaterwa i yokuresa	• resa nokuzuva otuwondja twomatjangwa nga isiwa momahakutwaraka, ozomangasina nda pwire po, ozotjaitonga, omahungi wokotjinyo nga tanaurirwa momatjangwa nozorapota • yandja ondaze ohunga na mbi va rese okuraisa kutja ve vi zuu nu mave yenene nawa nu mave yenene okuyandja ondjivisiro osemba
5. rese omatjangwa womihoko pekepeke	• raisa kutja va zuu omeripura noumune mbu ri momatjangwa nu mave yenene okuworonganisa nga omapu nge ri mu wo nokuyetwapo nawa • resa omatjangwa kutja ve mune mo ondjivisiro yorive ndjo na wina okunwamo ondjiviro ombaranga • resa omatjangwa womihoko pekepeke tjimuna omareparahungi, ousupihungi, ounyando nomiimbo nave tjaterwa nokunyaŋukisiwa i wo • pangura omuano oviuŋe vyombazu mbu mavi hitasana na mbu mavi pitasana momatjangwa ovo ngu va rese

5.2 OKURESA NOKUTJANGA (maku ryama)

OZONDANDO OZOMBARANGA <i>Ovahongwa maave:</i>	OZONDANDO OZONDJENENISIWA <i>Ovahongwa mave sokuyenena oku:</i>
6. rese omatjangwa okuza mozomburo pekepeke nondando yokuhengurisa	• pangura pokati komapu, omatjangwa omasenginina poo omatjangwa nge ri oumune waimba mbe ye tjanga • yova oviṇa mbi ohunga nomutjange: ondando ye, ongarera nomiano mbi ma ungurisa okuzuvisa nokupoporora imba mbu mave rese imbi eye mbya tjanga • hara oumune nongurameno okuisira komatjangwa ovo ngu va rese • handjaura omiano ovatjange mbi ve ungurisa eraka kutja ri kare nomuano kaṇi mbwo mbu mari ṭunu kovarese • muna orupe ndu ri pokati komatjangwa pekepeke • panguṇuna omatjangwa nokuyandja omapu omazeuparise womuhunga mbwa toorwa momuano omutunge nu omuzuvakwa • raisa ozongaro kaṇi ṇḁo ṇḁu maze munika momatjangwa amave isire kouwune ouzuvakwa mbu mau horoka mu inga omatjangwa
7. rihongo okutandaura ondjiviro yavo yokuworonganisa omatjangwa	• pahapaha momatjangwa kutja ve nane mo ondjiviro yorive ndjo ndja pwire po imbi ovo mbi mave tjanga, ave i woronganisa nawa nokuiyandja otja komuhapo mbwa tyewa • haveha ondjiviro nokutoororamo ndja pwire po ondando yorive ndjo • resa omatjangwa nave: - isire ko oumune kondjiviro ndja yandjwa - haveha ondjiviro kutja ve zikamisire ko onḁengu yawo - sasaneke ondjiviro - panguṇuna ondjiviro - waneke ondjiviro

5.2 OKURESA NOKUTJANGA (maku ryama)

OZONDANDO OZOMBARANGA <i>Ovahongwa maave:</i>	OZONDANDO OZONDJENENISIWA <i>Ovahongwa mave sokuyenena oku:</i>
8. sembamisa nokuworonganisa omeripura momihewo omizuvakwa, outukondwa mbu mau hondjasana nawa nga komatjangwa omambomba	• tjanga omihewo okuura momuano wokarukondwa okuhandjaura poo okuseturura omeripura kaani ngo poo epu rorive ndo • tjanga okarukondwa kombutiro, outukondwa mbu mau handjaura poo mbu ma seturura nga omeripura nokarukondwa komapatero • hondja nokutandaura omeripura • tji tanda ovitjangwa, kuzambo ave tji tjanga momuano wokuhaeka nu tji va zu mbo ave tji yarukire hi otjitjangwa amave tuna tuna nokuweza ngunda ave hi ye vi twa po momatjangero inga oyeniyeni masenina • tjanga momuhingo mbwa ketere ovatjangerwa
9. pangura pokati kokutjanga nokuhungira kotjinyo nave sora okuungurisa omihingo mbi osemba	• ungurisa eraka rakauriri, tje ri ohepero, movitjangwa tjimuna otutuu twoupanga noozongundasaneno • ungurisa eraka etuvirire nesenginine movitjangwa, nao wina ndi mari tjiti kutja ngwi omurese ma mune, ma nuke, ma rore keraka, me rimune aayo ma yendwa ookomukova na momuinyo tji ma rese hi otjitjangwa • ungurisa omihingo vyokutjanga mbi weza omaheero, omeripura poo oumune nomerimwino kovitjangwa tjimuna otutuu, outjangwa wokozotjaitonga nozomangasina, ozorapota nozondaeri (omihingo vyokutjanga mbi ovi na tjimuna okunanununa outupa momatjangwa warwe nomahungi, omiano vyohungiro, okuyarukira omambo nokunyanda na wo) • ungurisa omuhapo poo ondugiro yotjitjangwa okupamisa onduvakero yatjo nawa • ungurisa omambo nga ketere ndwi oruveze nongaro ndji ri po kutja rumwe okehi yozongaro zokotjiveta poo rumwe zakauriri zoutjiwasane • keverera komiano vyokuhungira mbi ya mo motuvezeveze nozondya zeraka zoukoti wovandu vorive mbo • yandja ombango komayerurukiro, omaherukiro nomazeuparisiro wozombosiro tjinene tji mave rese

5.2 OKURESA NOKUTJANGA (maku ryama)

OZONDANDO OZOMBARANGA <i>Ovahongwa maave:</i>	OZONDANDO OZONDJENENISIWA <i>Ovahongwa mave sokuyenena oku:</i>
10. tanaura omatjangwa wavo oupupu ootji mave tjanga ohunga nomapu wouatjiri, omuano mbu mave rimunu momuinyo poo tje ri ohunga noumune wavo oveni uriri	• twa ko ombango komerizuvisiro wepu kutja ve sembamisire ko omuhunga otjitjangwa mbu matji toora • yandja ondjivisiro onamapu nge nongenena • raisa omerizemburuka nomerimwino otja kovatjangerwa pekepeke mba panguka • pamisa omeripura noumune momuano omuzuvakwa nomukahu, tj. mokutjanga omahungi na mozombatasaneno • ungurisa ounongo wavo wokupanguuna nokurizuvisa omatjangwa indu ovo tji mave nyamukuriro ku wo
B: Ongaramatika norutumbo rwomambo 11. raisa ondjiviro yondjangerosemba, oviraise vyokuresa nomutjangahingo mbwa yakurwa	• ungurisa oviraise vyokuresa vyondondo yokombanda pu vya pwire kutja vi kare nongenena momatjangero tjimuna: - epanda rozonde - ondjande - okazemburukise (okamukoka) - oukovero - okahondje (okamukoka) - ovikonde • raisa omazuviro womazeve wondjarosemba nokuyeungurisa nawa wina • ungurisa ondjangero yozombosiro osemba tjimuna: - ozondundo - ozondundo ozombaturuke - omapose, omaposapamwe nomapose ovirunga - omatamunino omasemba wozombosiro - omasanisiro wozombosiro (omahwanganeneno wozombosiro) - amazengisiro wozombosiro
12. ungurisa ongaramatika nomihapo vyondungiro yeraka mbya pwire po momatjangwa	• pangura pokati kovimbumba nomihoko pekepeke vyomarukambo • ungurisa omapingenambo osemba otja tji pa pwire po • ungurisa omahondjere womatjite omaraizaruveze osemba • ungurisa etjitambo nomihapo vyaro osemba • ungurisa otuveze nawa

5.2 OKURESA NOKUTJANGA (maku ryama)

OZONDANDO OZOMBARANGA <i>Ovahongwa maave:</i>	OZONDANDO OZONDJENENISIWA <i>Ovahongwa mave sokuyenena oku:</i>
ungurisa ongaramatika nomihapo vyondungiro yeraka mbya pwire po momatjangwa (<i>maku ryama</i>)	• ungurisa omaraise wopoṅa nawa (pu, ku, mu) • ungurisa omahandjaurambo nomamangururambo osemba • ungurisa omihewo mbi osemba movitjangwa: - omirikehewo - omituwakumwehewo (okutja oopomahondjambo) - omihandjaukahewo (okutja oopomitimbuhewo nomiweziwahewo) • tunga nokuungurisa omambo nga za momambo warwe, tj. omazametjitambo – zera > onḡero; randa > omurando; tunga > omatungo (indi embo epe nda yaruka okuzuvakwa nai); konda > omukondo – omikondo (tjinene ri ungurisiwa i yovakonde novayatate) • omaravaerero momuano wokuraisa ongaro yomomuinyo • ungurisa omahungiriro omahungame nomahahungame • ungurisa omutjite nomutjitwahingo osemba • ungurisa ozondondo zomasasanekero, tj. omunene, omuneneko, omunenene; ombapa, ombapako, ombapambapa. • ungurisa omiano vya Tjipangandjara nomiano vyokutena omambo
13. ungurisa orutumbo rwomambo ndwa pwire po nu osemba otja moviṭo nozongaro pekepeke nḡe ri po	• ungurisa orutumbo rwomambo ndu hi na ombambaukire • ungurisa orutumbo rwomambo ndwa pwire ozondando pekepeke tjimuna movitjangwa vyavo kourike wavo otjovandu, movitjangwa mbi mavi resewa i yotjiwaṅa na wina movitjangwa vyondondo yokombanda yomerihongero • ungurisa orutumbo rwomambo orusemba okuraisa ongaro poo otjivepo kaaṅi ho • ungurisa orutumbo rwomambo oruhandjauke okuhandjaura, okuseturura nokupatasanisa • ungurisa omambo omakoto movitamba kaaṅi mbyo, tj. motjitamba tjomahongero, tjounongoupe, tjomanyando, oviuṅe mbi ri mokati kotjiwaṅa • ungurisa omahatjimwe, omapirurambo, omatjangwatjimwe nomaposatjimwe
14. yovo omahitasaneno nomapitaneneno nge ri po nave yandja omazeuparisiro	• pangura oviuṅe mbi mavi hitasana na mbi mavi pitasana momahungi yevari • yandja ovihorera okuzeuparisa omahitasaneno poo omapitaneneno nge ri po

5.2 OKURESA NOKUTJANGA (maku ryama)

OZONDANDO OZOMBARANGA <i>Ovahongwa maave:</i>	OZONDANDO OZONDJENENISIWA <i>Ovahongwa mave sokuyenena oku:</i>
C: Omatjangero Omahungame 15. tjanga otuwondja twomatjangwa pekepeke otja komihapo vyavvyo	tjanga: • otutuu (tjimuna otwouzamumwe notwokotjiveta) • outjangwa kozotjaitonga poo ozomangasina • ozorapota • ozongundasaneno/ozombori • omahungi (omayandjwa wokotjinyo) • okutjanga mondaeri
D: Omatjangero Omahapokasana 16. tjanga otuwondja twozombwanekero zomihorohoro	• mema outjangwa mbu mau kwizike onḁakamisiro yorutumbo rwomambo, ondjiviro yomihewo nga kongaramatika nomihapo vyondungiro yeraka • twa po ouripura wokombanda nokuyandja oumune wavo • risenginina nokutwapo ovitjitwa, oruveze novanyande momuano omuzuvakwa • raisa ondjiviro, ouripura, omuano mbu mave rimunu momuinyo noumune • zemburuka nokutoorora ovitjitwa noviuḁe ovihandjaure • tjanga ozombwanekero: - ozoserekarere - ozohandjaure - ozombatanise • woronganisa ombwanekero nawa amave: - i haḁa nawa moutukondwa - kutu outukondwa nawa kumwe - tjanga momuano nomuhapo mbwa pwirire po ndji ombwanekero - tjanga momihewo pekepeke mbi mavi hondjasana nawa kutja ombwanekero i hitasane nawa nu mu kare ouumwe - ungurisa orutumbo rwomambo ndwa pwire po - raisa ondaveho kondjangerosemba, oviraise vyokuresa, ongaramatika nomutjangahingo

5.2 OKURESA NOKUTJANGA (maku ryama)

OZONDANDO OZOMBARANGA <i>Ovahongwa maave:</i>	OZONDANDO OZONDJENENISIWA <i>Ovahongwa mave sokuyenena oku:</i>
E: Omamemwahungi <i>Ombazu notjiwana</i> 17. hara ondjiviro nomazuviro omawa wovinenge pekepeke vyombazu	- tjita ongonononeno, amave wongo ondjivisiro okuza mozomburo pekepeke zovinenge vyombazu, ave i haveha nokuiraisa nawa - Ovivenge vyombazu tjimuna mbi: - omiimbo vyombazu: omitango, omiṭandu, etando (omutambo), omaimbiro - omizumbi vyombazu: outjina, omihiva, ondjongo - ovizerika povitjita vyombazu: ongwatero, okutikuka, oruvareko, orukupo, ondjova, okuyarura okati, okurya motjoto, okukaripira, okuhuhura, onḡiro, ombakero, oviyamberero (omaamberero nomarangerero) novitjita vyarwe ovingi vyombazu - ongaro novitjita vyomuhoko: ongamburiro, omeriworonganisiro nomerinaneno womuhoko, omaserekarerwa wouvande, ongura, ouramwe, oukura, nv. okutja nga komuano ovitjita vyomuhoko mbu vi rikuma movina ovipe mbi ya mo - nyamukurira kovivenge pekepeke vyombazu momuano mbwa pwire po nu ave rizuvisa nawa - hara oumune wavo oveni amave isire kondjivisiro ndji va toora movivenge vyombazu
F: Omatjangwa <i>Okunyamukurira komatjangwa nohengu</i> 18. nyamukurirako nohengu komatjangwa tjimuna nga: - omamemwatjangwa - omatjangwa omazuvise/omapoporore	- nyamukurira komatjangwa amave tara kondando yainga omatjangwa, omaheero nge ri poruhaera mu inga omatjangwa na wina omaheero omakoto nge ri momurya womatjangwa - yendekera ongaro poo otona yomutjange tji mave isire komaungurisiro wovivene tjimuna mbi: ondungiro yomihewo, omambo omutjange nga toorora okuungurisa, omaungurisiro woviraise vyokuresa, eraka omutjange ndi ma ungurisa kutja rumwe orakauriri poo orokotjiveta - yova oumune womutjange - yova ovarese ndi etjangwa rumwe mbu ra tanderwa - raisa kutja mave munu nokutjaterwa i yomuano omerimwino, ozongaro poo nangarire omuano omapu mbu maye tuwa po nawa kutja ye raisire po: - otjito tjongaro yotjiwana ndi etjangwa mu ra tjangerwa, tj. ozongaro rumwe nda ri po motjiwana indu etjangwa tji ra tjangwa - omambo ngu maye tuviri (ovivene tjimuna okaheho, ongura, onyekera) nga rumwe tji maye pendura otjimbi poo ondjoroka momuinyo womurese

5.2 OKURESA NOKUTJANGA (maku ryama)

OZONDANDO OZOMBARANGA <i>Ovahongwa maave:</i>	OZONDANDO OZONDJENENISIWA <i>Ovahongwa mave sokuyenena oku:</i>
nyamukurirako nohengu komatjangwa tjimuna nga: - omamemwatjangwa - omatjangwa omazuvise/omapoporore	- ongarera ngwi omutjange omuini ndje hi nokumuna (rumwe ndji mai mai hingwa i yomuano eye mbwe muna oviṇa mouye)
18.nyamukurira ko nohengu komatjangwa tjimuna nga: - omamemwatjangwa - omatjangwa omazuvise/omapoporore (<i>maku ryama</i>)	• hungirira ko nohengu nungwari noukeke amave yandja ondjivisiro ndji ve rizuvisa nawa momaresero wavo amave: - zeuparisa nouhatoi woviṇenge mbi ri mehungi kehi yoviyarurepo (“...”) - zuu ovitjitwa nozongaro zovanyande metjangwa, orupe ndu ri pokati kaimba ovanyande, ozongaro noviṭo mu mamu tjitirwa mbi ovitjitwa nga komapu nozondimwa - hora (okutara nawa) kutja nu tjii ndi etjangwa ri nohambwarakana ndji ṭa pi okuzuvisa mba overirese ongendo kaani ndjo ndji ri movandu

6. OMATARERO WONDENGU YOVIUNGURA

6.1 OZONDANDO ZOMATARERO WONDENGU YOVIUNGURA

6.1.1 OM1 OKUHUNGIRA NOKUPURATENA

Ovahongwa mave soku:-

- HP1 zuva omapu, oumune nomeripura nave vi yandja mongongorasaneno;
- HP2 nyamukurira komarakiza nomihunga mbya yandjwa kotjinyo otja tji pa pwire po;
- HP3 wonga nokuhaveha ondjivisiro nave toorora mo nokuworonganisa mbi mbi mavi heperwa po okuungura otjiungura tjorive ho tjimuna okuhungira ehungi rokotjinyo;
- HP4 hungirira ku mbi mave tjiwa nokuraisa mbi mavi munikwa, mbi mave ripura na vyo na mbi mave risenginine;
- HP5 yendekera omaheero nozongaro nda undikwa momahungi wokotjinyo;
- HP6 hungira nawa oukahu nu otja tji pa pwire po;
- HP7 puratena omapu nge ri mombata yokotjinyo nawa, okuisirako oumune nokuharerako ongurameno.

6.1.2 OM2 OKURESA

Ovahongwa mave soku:-

- R1 zuva nokuworonganisa ondjivisiro nomaheero nge ri poruhaera;
- R2 muna ondjivisiro ndji ri momatjangwa, ave i haveha nawa nokutoororamo ndji ndja pwire otjiungura poo ondando yorive ndjo;
- R3 yendekera omaheero nozongaro nda undikwa momatjangwa ngu mave rese nokuisirako omaheero komatjangwa;
- R4 muna kutja ovatjange ve ungurisa vi eraka kutja ri kare nomuano kaaṇi mbwo mbu mari ṭunu kovarese mu mu neraka eundikwa.

6.1.3 OM3 OKUTJANGA

Ovahongwa mave soku:-

- T1 woronganisa omapu, omeripura noumune nokuvitwapo nawa momatjangwa;
- T2 nyamukurira kondjivisiro, omeripura nozongaro ndu maze raisiwa momatjangwa momuano mbwa pwire po;
- T3 twa po mbi mave tjiwa nokuraisa mbi mavi munikwa, mbi mave ripura na vyo na mbi mave risenginine;
- T4 twa po nawa momatjangwa nu oukahu otja tji pa pwire po ovatjangerwa vorive mbo;
- T5 woronganisa nokuyandja ondjivisiro momihapo vyorive mbyo amave tjanga moutukondwa nu momihewo vyozonegiro pekepeke;
- T6 ungurisa ondjangerosemba, oviraise vyokuresa, omutjangahingo, orutumbo rwomambo ndwa pwire po noviune avihe mbi notjiṇa nondungiro yeraka nongaramatika osemba;
- T7 tjanga ovitjangwa pekepeke nu mbi nozondando pekepeke momuano omumeme.

6.1.4 OM4 OMATJANGWA

Okunyamukurira komatjangwa nohengu

Ovahongwa mave soku:-

- OT1 nyamukurira komatjangwa amave tara kondando, omaheero nge ri poruhaera na wina omaheero omakoto nge ri momurya womatjangwa;
- OT2 raisa kutja mave munu nokutjaterwa kutja ovi omerimwino, ozongaro nomapu omazuvisi mbu mavi raisiwa;
- OT3 hungirira ko nohengu nungwari noukeke amave yandja ondjivisiro ndji ve rizuvisa.

6.1.5 OM5 OMAMEMWAHUNGI

Ombazu notjiwana – Omarorero woposikore

Ovahongwa mave soku:-

- OH1 tjita ongondononeno, amave wongo ondjivisiro okuza mozomburo pekepeke zovinenge vyombazu, ave i haveha nokuiraisa nawa;
- OH2 nyamukurira kovinenge pekepeke vyombazu momuano mbwa pwire po nu ave rizuvisa nawa;
- OH3 hara oumune wavo oveni amave isire kondjivisiro ndji va toora movinenge vyombazu.

6.2 ORUPE POKATI KOZONDANDO ZOMATARERO WONDENGU YOVIUNGURA NA IHWI OTUPA PEKEPEKE

Otupa	OZONDANDO ZOMATARERO WONDENGU YOVIUNGURA								
	OM1 Okuhungira & Okupuratena	OM2 Okuresa	OM3 Okutjanga	OM4 Omatjangw a	OM5 Omamemwa hungi		Ohaveha aihe kumwe		
	Ozongombe	Ozongombe	Ozongombe	Ozongombe	Ozongombe	Ongombe ombomba Aihe	Otjivaro tjomakotorero	Ongombe (ndja kotorwa)	% zOrupa
Ombapira 1: Okuresa & Omatjangero Omahungame		45	10			55	1.455	80	40
Ombapira 2: Omatjangero Omahapokasana			40			40	1	40	20
Ombapira 3: Okunyamukurira ketjangwa nohengu				20		20	1.5	30	15
Ombapira 4: Omarorero woposikore					20	20	1	20	10
Ombapira 5: Omarorero wokotjinyo	30					30	1	30	15
Omaworonganisiro	30	45	50	40		165		200	100
Otjivaro tjomakotorero	1	1.455	1.5 (10) + 1 (40)	1.5 (20)	1(20)				
Ongombe ndja kotorwa	30	65	15+40=55	20	30	200			
Ozondando zomatarero wondengu yoviungura	15	32.5	27.5	10	15	100			

6.3 OMAHANDJAURIRO WOZOMBAPIRA ZOMARORERO

Ombapira	Omihoko vyOmapuriro	Ozongombe	Oruveze
Ombapira 1 Okuresa & Omatjangero Omahungame	Mamu kara omahungi yevari nga zu mozomburo ozondakame naye tunwa kutja ye pwire otjiungura. Kape nokuundjirwa kokutja omahungi nga ye kaende ohunga nepu rimwe. Oure wehungi arihe ma rire ombapira ape imwe nohinga nao yombapira yomarorero poo omambo ape 800 nao mehungi ndi orinirini ndi mari kara mOtjiingirisa. Nungwari mape ya omahungi nga rumwe aye rire omare poo omasupi indu owo tji ya zu nokutorokwa mOtjiherero. Mape purwa omapuriro yetatu. ORUPA o-A Epuriro 1: Okuresera okupaka (okuza kehungi etenga) Morupa ndwi mamu kara omapuriro ngu maye roro okuresera okupaka nu owo maye roro ozondando zomatarero wondengu yoviungura nda: OM2 OKURESA <i>Ovahongwa mave soku-:</i> R1 zuva nokuworonganisa ondjivisiro nomaheero nge ri poruhaera; R3 yendekera omaheero nozongaro nda undikwa momatjangwa ngu mave rese nokuisirako omaheero komatjangwa; R4 muna kutja ovatjange ve ungurisa vi eraka kutja ri kare nomuano kaaŋi mbwo mbu mari tunu kovarese mu mu neraka eundikwa. Mape undjirwa kutja kozondando zomahavehero wondjiviro (OM) nda o-R3 no-R4 mapuriro maye kara nozongombe 2 poo 3 mepuriro arihe, aze tanana. Omapuriro omapaturuke nga kaye nokurora okutjangurura ehungi (poo okukatora ondjivisiro ombihu nao otja tji i ri mehungi) nungwari maye roro omerizuvisiro. Epuriro 2: Omapu okuza momurya, omaworonganisiro (okuza kehungi etenga) Epuriro ndi mari roro ovahongwa kutja mave yenene okuworonganisa ondjivisiro yorive ndjo okuza mehungi. Epuriro ndi mari hanewa motupa tuvari: (a) Ovahongwa mave tjanga mapu wavo okuza momurya ousupi momuano wounouta kozongombe 15. (b) Ovahongwa okuzambo otji mave ungurisa ounouta mbu ri mo (a) kombanda mba okutjanga omaworonganisiro momihewo okuura kozongombe 5. Oure womaworonganisiro nga ma rire omambo ape 100 nga ke-150 nao. Epuriro ndi mari roro ozondando zomatarero	[15] [20]	

Ombapira	Omioko vyOmapuriro	Ozongombe	Oruveze
Ombapira 1 Okuresa & Omatjangero Omahungame (mai ryama)	wondengu yoviungura nda: Epuriro 2 (a) OM2 OKURESA <i>Ovahongwa mave soku-:</i> R1 zuva nokuworonganisa ondjivisiro nomaheero nge ri poruhaera; R2 muna ondjivisiro ndji ri momatjangwa, ave i haveha nawa nokutoororamo ndji ndja pwire otjiungura poo ondando yorive ndjo. Epuriro 2 (b) OM3 OKUTJANGA <i>Ovahongwa mave soku-:</i> T1 woronganisa omapu, omeripura noumune nokuvitwapo nawa momatjangwa; T3twa po mbi mave tjiwa nokuraisa mbi mavi munikwa, mbi mave ripura na vyo na mbi mave risenginine; T5 woronganisa nokuyandja ondjivisiro momihapo vyorive mbyo amave tjanga moutukondwa nu momihewo vyzondungiro pekepeke; T6 ungurisa ondjangerosemba, oviraise vyokuresa, omutjangahingo, orutumbo rwomambo ndwa pwire po noviuṇe avihe mbi notjiṇa nondungiro yeraka nongaramatika osemba. Ungurisa Otjihohwa o-A okutarerako omaworonganisiro. ORUPA o-B Epuriro 3: Okunyamukurirako momuano wOmatjangero Omahungame (okuza kehungi oritjavari) Kovahongwa maku undjirwa okutjanga omambo ape 250 nga ko-300 nao amave zirire kehungi ndi oritja-2. Ihi otjiungura tjomatjangero omahungame tjimuna orutuu, okatjangwa komotjaitonga poo komomangasina, orapota, ehungi rokotjinyo poo okutjanga mondaeri. Kovahongwa maku undjirwa okutungira eziriro ravo komurya waindi ehungi nu amave u tandaura otja tji pa pwire po. Ozongombe 15 maze yandjwa kokuresa nu ozongombe 5 maze yandjwa kokutjanga. Epuriro ndi mari roro ozondando zomatarero wondengu yoviungura nda: OM2 OKURESA <i>Ovahongwa mave soku-:</i> R1 zuva nokuworonganisa ondjivisiro nomaheero nge ri poruhaera;	[20]	

Ombapira	Omiyoko vyOmapuriro	Ozongombe	Oruveze
	R2 muna ondjivisiro ndji ri momatjangwa, ave i haveha nawa nokutoororamo ndji ndja pwire otjiungura poo ondando yorive ndjo; R3 yendekera omaheero nozongaro nda undikwa momatjangwa ngu mave rese nokuisirako omaheero komatjangwa; R4 muna kutja ovatjange ve ungurisa vi eraka kutja ri kare nomuano kaani mbwo mbu mari tunu kovarese mu mu neraka eundikwa. OM3 OKUTJANGA <i>Ovahongwa mave soku:-</i> T1 woronganisa omapu, omeripura noumune nokuvitwapo nawa momatjangwa; T2 nyamukurira kondjivisiro, omeripura nozongaro ndu maze raisiwa momatjangwa momuano mbwa pwire po; T3 twa po mbi mave tjiwa nokuraisa mbi mavi munikwa, mbi mave ripura na vyo na mbi mave risenginine; T4 twa po nawa momatjangwa nu oukahu otja tji pa pwire po ovatjangerwa vorive mbo; T5 woronganisa nokuyandja ondjivisiro momihapo vyorive mbyo amave tjanga moutukondwa nu momihewo vyozoneungiro pekepeke; T6 ungurisa ondjangerosemba, oviraise vyokuresa, omutjangahingo, orutumbo rwomambo ndwa pwire po noviuwe avihe mbi notjiina nondungiro yeraka nongaramatika osemba; T7 tjanga ovitjangwa pekepeke nu mbi nozondando pekepeke momuano omumeme. Ungurisa Otjihohwa o-B okutarerako otjiungura tjomatjangero omahungame.		
		Azehe: 55	Ozoiri 2
Ombapira 2 Omatjangero Omahapokasana	Mombapira ndji mamu rorwa ounongo wovahongwa okutjanga momuano omuhapokasana, okutja momihewo okuura noutukondwa. Mape yandjwa omapu hambouwwe ku maku undjirwa komuhongwa okutjanga momuano omuserekarere, omuhandjaure poo omupatasane nu amave tjanga momuhapo nomuano mbwa pwire po. Ovahongwa mave toorora epu rimwe nave otjanga omambo 350 nga ko-500 nao. Ombapira ndji mai roro ozondando zomatarero wondengu yoviungura nda: OM3OKUTJANGA <i>Ovahongwa mave soku:-</i> T1 woronganisa omapu, omeripura noumune nokuvitwapo nawa momatjangwa; T3 twa po mbi mave tjiwa nokuraisa mbi mavi		

Ombapira	Omioko vyOmapuriro	Ozongombe	Oruveze
	munikwa, mbi mave ripura na vyo na mbi mave risenginine; T4 twa po nawa momatjangwa nu oukahu otja tji pa pwire po ovatjangerwa vorive mbo; T5 woronganisa nokuyandja ondjivisiro momihapo vyovive mbyo amave tjanga moutukondwa nu momihewo vyoondungiro pekepeke; T6 ungurisa ondjangerosemba, oviraise vyokuresa, omutjangahingo, orutumbo rwomambo ndwa pwire po noviuṅe avihe mbi notjiṅa nondungiro yeraka nongaramatika osemba; T7 tjanga ovitjangwa pekepeke nu mbi nozondando pekepeke momuano omumeme. Ungurisa Otjihohwa o-C okutarerako otjiungura hi otjotjiungura tjomatjangero omahapokasana.	Azehe: 40	Oiri 1 nozomminute 30
Ombapira 3 Okunyamukurira ketjangwa nohengu	Mamu kara etjangwa rimwe ovarorwa ndi ve hi ya rora okumuna rukuru/ndi ve he ri i nu oku maku purirwa epuriro rimwe nape yandjwa omapu ngu maye yandja omuhunga. Etjangwa ndi mari yenene okurira okarukondwa ku ka nanwa momamemwatjangwa (ekutwaraka/ehakutwaraka/ondarama), mape ya rumwe arire okarukondwa ku ka torokwa okuza mozomburo zeraka rarwe POO etjangwa ezuvise/epatanise ohunga notjiuṅe tjombazu, mu mu neraka nde ura omiano poo eundikwaraka. Epuriro ndi mari roro ozondando zomatarero wonḡengu yoviungura ṅa: OM4 OMATJANGWA Okunyamukurira komatjangwa nohengu <i>Ovahongwa mave soku-:</i> OT1 nyamukurira komatjangwa amave tara kondando, omaheero nge ri poruhaera na wina omaheero omakoto nge ri momurya womatjangwa; OT2 raisa kutja mave munu nokutjaterwa kutja ovi omerimwino, ozongaro nomapu amazuvise mbu mavi raisiwa; OT3 hungirira ko nohengu nungwari noukeke amave yandja ondjivisiro ndji ve rizuvisa. Ungurisa Otjihohwa o-C okutarerako otjitjangwa tjokunyamukurira ketjangwa nohengu.	Azehe: 20	Oiri 1 nozomminute 20

Ombapira	Omioko vyOmapuriro	Ozongombe	Oruveze
Ombapira 4 Ombazu notjiwana (Omarorero woposikore)	Morupa ndwi ovahongwa mave tjiti ongondononeno ohunga notjinege kaani ho tjombazu. Ovo mave wongo ondjivisiro mozomburo pekepeke, ave i pangununa nave nyamukurire ko nohengu morapota ovo ndji mave tjanga. Tara komapu nga pwire po okukakondononwa nga yandjwa mosirambesa ndji. Okukwizika kutja omaunguriro momaraka pekepeke aye ha hivasana tjinene, ohepero kutja ovahongwa momaraka ayehe ve wonge ondjivisiro mozomburo pekepeke nda panguka kutja pe ve yandjere okuhaveha ondjivisiro ndja wongwa. Indu ovo tji mave raisa omamwino nokuhungirirako, ovo ve sokuraisa oumune wavo ounamize nouzuvakwa mbwa zikamene ku indji ondjivisiro ndja wongwa. Okutja mba mape heye kutja ngaku tarewe nomasa kozondando zomahavehero wondengu yoviungura. Omapu tjiva ohamure ku maku yenene okuzikamisirwa nokutungirwa omapu ngu maye kakondononwa owo nga: • Ovirumatwa vyetu, ombutiro yetu otjovandu otja komaserekarero, omakuruhungi, omaanda, otuzo • Omiano vyokuminikasana, tj. otja moviwondo, momatando, nv. • Omizaro • Ozongaro novitjitwa oviyakurwa motjiwana • Ovikurya, omariro womitwe nomariro potuveze pekepeke, omahano wozonyama – mbe rya yorive oove ne nu ongwaye • Omaimburiro, omaimbiro, omihiva, ozondjongo, outjina • Ovizerika nomaunguriro nge kara po okuza kongwatero nga kondiro • Omahano woviungura pokati kovandu • Ounongo oukwatera nga komiti omipange vyombazu • Ongamburiro noovizerika mbya kutwa ku yo otja kotuzo Oure worapota ovahongwa ndji mave tjanga otjorupa rwomarorero woposikore ma rire omambo pokati ko-700 nga ke-1000 nao waindji orapota oini. Korapota ndji maku hohwa ondjivisiro otjouhatoi wovandu mba kapurwa nave yandja		

Ombapira	Omihoko vyOmapuriro	Ozongombe	Oruveze
Ombapira 4 Ombazu notjiwana (Omarorero woposikore) (mai ryama)	ondjivisiro, ovirongo nomayuva ovo ngu va purwa; oviperendero nou-CD womaraka nga kamburwa nu mbu hi nokunyanda ozominute kombanda yandano (tji mape yenene, okutja ndoovazu pa kamburwa omaraka). Ombapira ndji mai roro ozondando zomatarero wondengu yoviungura nda: OM5 OMAMEMWAHUNGI Ombazu notjiwana – Omarorero woposikore <i>Ovahongwa mave soku-:</i> OH1 tjita ongonononeno, amave wongo ondjivisiro okuza mozomburo pekepeke zovinenge vyombazu, ave i haveha nokuiraisa nawa; OH2 nyamukurira kovinenge pekepeke vyombazu momuano mbwa pwire po nu ave rizuvisa nawa; OH3 hara oumune wavo oveni amave isire kondjivisiro ndji va toora movinenge vyombazu. (Tara kOtjihohwa o-E: Omirari vyomakaendisiro womarorero woposikore Ombapira 4 & 5)	Azehe: 20	Kai nokutjangwa momuano womarorero
Ombapira 5 Omarorero wokotjinyo	Epu ku maku hungirirwa mOmarorero wokotjinyo (okuhungira nokupuratena) mari kaenda ohunga nongonononeno ndji omurorwa ndja tjita otjorupa rwOmarorero woposikore. Otjombutiro, omurorwa ma raisa ousupi uriri ondando onene yongonononeno ye. Kuzambo otji mape undjirwa ku ye okuhandjauka mu ihi otjihungiriro ama zeuparisa omurya wepu eye nda toorora. Mombapira ndji mamu kara notupa tuvari: Orupa o-A: Omayandjero wehungi. Ozongombe 10. Omayandjero wehungi kaye nokukapita ozominute ndano, nu ingwi omurorwa ma hungire ozominute mbari uriri. Ozominute inda ozarwe ndatu ozomuhongwa rumwe okunyanda oka-CD eye ka kambura poo okuraisa otjiperendero rumwe tja perenda. Omurorwa: • ma yandja orapota ye (etjangwa re) ndja pitira mongonononeno ye kotjinyo • ma raisa ondando onenenene yongonononeno ye ousupi • mape undjirwa kutja ma hungire nokuhina		

Ombapira	Omioko vyOmapuriro	Ozongombe	Oruveze
Ombapira 5 Omarorero wokotjinyo (mai ryama)	okuporera – orondu apeyerike indu omuhongwa tje hi nokumana moruveze ndwa pewa otji ma kunḡurwa - ma sokuraisa kutja ooveṇe mbu mave mu puratene na ungurisa omiano neraka nda pwire po mba mbu mave mu puratene, tj. omitanda, ovanene, eraka rakauriri poo rumwe orokotjiveta - ke nokuyandjerwa okukara nondundu yoviṇa mbi ma ungurisa kutja vi mu vatere mokuhungira kwe nu otjingetjo ke nokuyandjerwa okuresa mombapira Omitiri: - mai tjanga ounota ousupi ngunda amai puratene rumwe mbu mai kaungurisa mu ihi otjihungiro Orupa o-B: Otjihungiro (ozominute 8 – 10) ozongombe 20 Omitiri mai: - pura omapuriro okutara ounongo womurorwa mokupuratena pendje nokumuhohiza kutja eye ma kare norupa motjihungiro - toko omaheya tjiva womuhongwa poo oviṇa rumwe omurorwa mbi ma raisa mehungi re - hohiza omurorwa okuhandjaura ongonḡononeno eye ndja tjita ama raisa omapu novinenge mbi mavi hitasana nawa - ritjurura kokukondjisa okutisa omurorwa ohonḡi, eye ma paha omakahururi uriri poo okutwapo oviṇa kutja omuhongwa rumwe me ripurire ko Ombapira ndji mai roro ozondando zomatarero wondḡengu yoviungura nda: OM1 OKUHUNGIRA NOKUPURATENA <i>Ovahongwa mave soku-:</i> HP1 zuva omapu, oumune nomeripura nave vi yandja mongongorasaneno; HP2 nyamukurira komarakiza nomihunga mbya yandjwa kotjinyo otja tji pa pwire po; HP3 wonga nokuhaveha ondjivisiro nave toorora mo nokuworonganisa mbi mbi mavi heperwa po okuungura otjiungura tjorive ho tjimuna okuhungira ehungi rokotjinyo; HP4 hungirira ku mbi mave tjiwa nokuraisa mbi mavi munikwa, mbi mave ripura na vyo na mbi mave risenginine; HP5 yendekera omaheero nozongaro nda undikwa momahungi wokotjinyo;		

Ombapira	Omioko vyOmapuriro	Ozongombe	Oruveze
Ombapira 5 Omarorero wokotjinyo (mai ryama)	HP6 hungira nawa oukahu nu otja tji pa pwire po; HP7 puratena omapu nge ri mombata yokotjinyo nawa, okuisirako oumune nokuharerako ongurameno. (Tara kOtjihohwa o-E: Omirari vyomakaendisiro womarorero woposikore Ombapira 4 & 5)	Azehe: 30	Ozominute ±15

6.4 OMARAISIRO WOZONDANDO ZOMATARERO WONDENGU YОВIUNGURA OTJA POZOMBAPIRA ZOMARORERO

Ozondando zomatarero wondengu yoviungura		Ombapira 1	Ombapira 2	Ombapira 3	Ombapira 4	Ombapira 5
OM1	HP1					✓
	HP2					✓
	HP3					✓
	HP4					✓
	HP5					✓
	HP6					✓
	HP7					✓
OM2	R1	✓				
	R2	✓				
	R3	✓				
	R4	✓				
OM3	T1	✓	✓			
	T2	✓	✓			
	T3	✓	✓			
	T4	✓	✓			
	T5	✓	✓			
	T6	✓	✓			
	T7	✓	✓			
OM4	OT1			✓		
	OT2			✓		
	OT3			✓		
OM5	OH1				✓	
	OH2				✓	
	OH3				✓	

6.5 OMAHANDJAURIRO WOZONGEREITA

Omahandjauriro wozongereita ya yandjwa otjokuraisa kutja omuhongwa tja yeta ongereita kaani ndjo orondu rumwe tja yenenisa ondondo yomaunguriro nge ri vi. Omahandjauriro nga ye sokutarerwa pamwe nozondando zomerihongero na wina ozondando zomahavehero wondengu yoviungura otja tji za raisiwa morupa orutja-5 norutja-6 rwsirambesa ndji, nu aruhe amape zemburukwa kutja ovahongwa mba ve rihonga Otjiherero pondondo yeraka etenga. Omahandjauriro wozongereita nga kaye nokutara korupa aruhe rwomarorero kourike warwo. Ongereita ndji osenina ndji mai yandjwa i zikamisirwa kotupa atuhe twomarorero. Oungundipare mbu ri motupa tjiva twomarorero u yeurwa i yomaunguriro omawa motupa twarwe nu inga omahandjauriro wozongereita otji ye pwira nga omaunguriro womuhongwa.

Komuhongwa ngwa yeta **Ongereita o-A** maku undjirwa kutja ma:

1. zuu omapu omakoto, omeripura noumune nokuvitwa mongongorasaneno osemba nokuviyandja momuano omukahu nu mondja ookotjinyo na momatjangwa;
2. munu mbi mavi heewa momahungi wokotjinyo na momatjangwa a pungu, a woronganisa nu e vi yandja ame vi tara oukoto kutja mbya pwire po oviungura kaani mbyo oovine;
3. hungirire ku mbi ma tjiwa, ame riyaruka oukoto nu ama pangununa nawa oombi mavi munika na mbi mavi risengininwa;
4. munu nawa omaheero nozongaro nda undikwa poo nde he ri poruhaera zomutjange poo omuhungire na isire ko omaheero komambo, omitimbuhewo neraka eundikwa;
5. raisa kutja ma munu oukahu kutja ovapuratene poo ovatjangerwa oovene na sora okuzuva omaungurisiro weraka nda pwire po;
6. tjanga outukondwa mbwa putaputisiwa nawa momuano omumemena ama ungurisa omihewo mbya tungwa nawa momuano mbwa pwire po nu ama tjanga ondjangero osemba, oviraise vyokuresa nga kovine avihe vyondungiro ombwa yeraka nomutjangahingo;
7. nyamukurire ko oukahu nu nohengu komahungi wokotjinyo nomatjangwa, e hi nokukundurwa nu e nongamburiro mu ye omuini;
8. yandja oumune we omuini ounahengu ee rizuvisa nawa nu noukeke okuisira komatjangwa nga rese na kondjivisiro ndja wongo ohunga novine mbya tjama kovina vyombazu;
9. raisa ounongo ouwa tjinene wokutjita ongondononeno mokuraisa nawa epu ndi ma kondonona, okuzikamisa ondando yongondononeno ndji ma tjiti, okutoorora omiano mbya pwire po okukawondjisa ndji ongondononeno ye, okuwonga ondjivisiro, okuipangununa, okuhungirira komamwino nokuyandja ondjivisiro ndja zu mongondononeno.

Komuhongwa ngwa yeta **Ongereita o-C** maku undjirwa kutja ma:

1. zuu omapu omakoto, omeripura noumune nokuvitwa mongongorasaneno, okuviyandja momuano omukahu nu mondja opuwo nao ookotjinyo na momatjangwa;
2. munu mbi mavi heewa momahungi wokotjinyo na momatjangwa a pungu, a woronganisa nu e vi yandja momuano mbwa pwire po oviungura kaani mbyo;
3. hungirire ku mbi ma tjiwa, ame riyaruka nu ama pangununa oombi mavi munika na mbi mavi risengininwa;

4. munu nawa omaheero nozongaro nda undikwa poo nde he ri poruhaera zomutjange poo omuhungire ndu maze munika olupupu na raisa kutja opuwo nao ma isire ko omaheero komambo, omitimbuhewo neraka eundikwa;
5. raisa kutja ma munu kutja ovapuratene poo ovatjangerwa oovenene na sora okuzuva omaungurisiro weraka nda pwire po;
6. tjanga outukondwa mbwa putaputisiwa nawa momuano omumemena ama ungurisa omihewo mbya tungwa momuano mbwa pwire po nu ama tjanga ondjangero osemba, oviraise vyokuresa nga koviune avihe vyondungiro yeraka nomutjangahingo;
7. nyamukurire komahungi wokotjinyo nomatjangwa, e hi nokukundurwa nu nao e nongamburiro mu ye omuini;
8. yandja oumune we omuini ee rizuvisa omatjangwa nga rese na wina ondjivisiro ndja wongo ohunga novinenge mbya tjama koviina vyombazu;
9. raisa ounongo tjiva ouwa wokutjita ongondononeno mokuraisa nawa epu ndi ma kondonona, okuzikamisa ondando yongondononeno ndji ma tjiti, okutoorora omiano mbya pwire po okukawondjisa ndji ongondononeno ye, okuwonga ondjivisiro, okuipanguuna, okuhungirira komamwino nokuyandja ondjivisiro ndja zu mongondononeno.

Komuhongwa ngwa yeta **Ongereita o-E** maku undjirwa kutja ma:

1. zuu omapu nga wombutiro, omeripura noumune nokuvitwa mongongorasaneno, okuviyandja momuano mbu mau hondjasana opuwo nao ookotjinyo na momatjangwa;
2. munu mbi mavi heewa momahungi wokotjinyo na momatjangwa a pungu, a woronganisa nu a nyamukurire ko momuano mbwa pwire po oviungura kaani mbyo;
3. handjaura mbi ma tjiwa nu ma raisa mbi ovipupu mbi mavi munika na mbi mavi risengininwa momuano mbu mau zuvaka;
4. munu omaheero nga omakahu nozongaro nda nde ri poruhaera zomutjange poo omuhungire nu ma raisa kutja nao u nouzeu okuisirako omaheero komambo, omitimbuhewo neraka eundikwa;
5. raisa kutja ma tjiwa kutja eraka nao ri ungurisiwa momiano pekepeke otja movito pekepeke;
6. tjanga momuano omumemena nungwari momirikehewo – oungundipare mondjangero osemba, oviraise vyokuresa na mondungiro yomihandjaukahewo omu mau kara, nungwari kau nokutomba omaheero;
7. nyamukurire komahungi wokotjinyo nomatjangwa noukahu mbwa yenene e nongamburiro mu ye omuini opuwo nao – kangu ma utu ndi ehungi kutja ke nokuhepa okukundurwa;
8. yandja oumune we omuini komatjangwa nga rese na wina ondjivisiro ndja wongo ohunga novinenge mbya tjama koviina vyombazu;
9. raisa ounongo mbwa yenene opuwo wokutjita ongondononeno nungwari mape ya a tonduna mokuraisa nawa epu ndi ma kondonona, okuzikamisa ondando yongondononeno ndji ma tjiti, okutoorora omiano mbya pwire po okukawondjisa ndji ongondononeno ye, okuwonga ondjivisiro, okuipanguuna, okuhungirira komamwino nokuyandja ondjivisiro ndja zu mongondononeno.

Komuhongwa ngwa yeta **Ongereita o-G** maku undjirwa kutja ma:

1. zuu omapu nga omapupupupu, omeripura noumune nokuvitwa mongongorasaneno, okuviyandja momuano mbu mau zuvakwa opuwo nao ookotjinyo na momatjangwa;
2. munu mbi mavi heewa momahungi wokotjinyo na momatjangwa a pungu, a woronganisa nu a nyamukurire ku imbi mbi ri poruhaera;
3. handjaura mbi ma tjiwa nu ma raisa mbi ovipupupupu mbi mavi munika na mbi mavi risenginina momuano mbwi omupupu nu omuuta;
4. munu omaheero nga omakahu nozongaro nda nde ri poruhaera zomutjange poo omuhungire;
5. raisa kutja opuwo nao ma tjiwa kutja eraka nao ri ungurisiwa momiano pekepeke otja movito pekepeke;
6. write at least in simple sentences – weaknesses in spelling and punctuation and the construction of complex sentences will be apparent, but will not seriously impair communication;
7. nyamukurire komahungi wokotjinyo nomatjangwa nu nao ma tenduna moukahu na mongamburiro mu ye omuini – mape ya a hepa okukundurwa;
8. yandja oumune we omuini nungwari mbu mau tenduna komatjangwa nga rese na wina ondjivisiro ndja wongo ohunga novinenge mbya tjama koviya vyombazu;
9. raisa ounongo ouuta uriri wokutjita ongondononeno nungwari mape ya a tenduna tjinene mokuraisa nawa epu ndi ma kondonona, okuzikamisa ondando yongondononeno ndji ma tjiti, okutoorora omiano mbya pwire po okukawondjisa ndji ongondononeno ye, okuwonga ondjivisiro, okuipanguuna, okuhungirira komamwino nokuyandja ondjivisiro ndja zu mongondononeno.

Otjihohwa o-A: Otjitarero tjomaworonganisiro (Ombapira 1)

Otjitarero hi otji matji ungurisiwa okutarerako epuriro oritja-2 (b) kozongombe 5.

Oruti	Omahandjauriro	Ozongombe
1	Omaworonganisiro ya ɬatere kehungi nawa naye yenenisa imbi avihe mbi mavi undjirwa ko otja kepuriro. Ounouta auhe mbwa nanwa mehungi wa ungurisiwa ousupi nu kepu, momuano omusopoke nu tjinene momambo womurorwa omuini otja tji mape yenene. Mwa ungurisiwa omituwakumwehewo nomihandjaukahewo pamwe nomahondjambo nomahondjauripura (omambo noumuhewo ousupi mbu mau kutu omeripura kumwe) otja tji pa pwire po.	5
2	Omaworonganisiro ya ɬatere kehungi kutja oombena na mbena mu novina mbi he ri ohepero. Ounouta ouingi wapo mbwa nanwa mehungi wa ungurisiwa oukahu, ousupi nu kepu nu momambo womurorwa omuini popengi otja tji mape yenene. Nao mamu munikwa omituwakumwehewo nomihandjaukahewo nga komahondjauripura.	4
3	Mu nomaraisiro wokutja omaworonganisiro ya hungama ehungi kutja movikando nao kape nokukahuka nawa. Omurorwa wa ungurisa omambo we omuini, nungwari nao movikando omaworonganisiro maye ɬatere kokutetera mbwi ounouta. Omapu, omeripura noumune nao kaye yandjerwe momuano mbu mau hondjasana nawa.	3
4	Pemwe nao mu nomaraisiro kutja omaworonganisiro ya hungama ndi ehungi kutja nao mwa takavara oumune womurorwa mbu he ri ohepero na wina omakahururiro omare. Nao mu nomatjangururiro womambo noumuhewo ousupi ovitovatova okuza mu indi ehungi.	2
5	Omaworonganisiro popengi kaye nokuhondjasana nu nao ya kaiya omuhunga. Popengi omambo noumuhewo ousupi ombi mavi tjangururwa okuza mu indi ehungi.	1
6	Omaworonganisiro kaye nomuhunga kaparukaze poo pe nouzeu tjinene okuzuva kutja mape kaenda tjike. Omurorwa ma tjangurura ndi ehungi osemba uriri otja tji ri ri.	0

Otjihohwa o-B: Otjitarero tjOmatjangero Omahungame (Ombapira 1)**Okuresa**

Otjitarero hi otji matji ungurisiwa okutara orupa ndwi rwokuresa rwepuriro oritja-3 kozongombe 15.

Oruti	Omahandjauriro	Ozongombe
1	Eziriro mari raisa omaresero omakoto wehungi. Omeripura okuza mehungi ya nyatururwa oukahu naye hovekwa mu indi eziriro. Ondjivisiro ndja pwire po ya toororwa nai ungurisiwa otjomapu omazeuparise kutja indi eziriro ri pwire ondando kaaṇi ndjo otja kepuriro.	13 – 15
2	Eziriro mari raisa omaresero omawa waindi wehungi. Omeripura okuza mehungi kwa tarewa pu pa yenene, nungwari nao katji ya nyatururwa oruveze aruhe. Komapu omazeuparise kwe ripurirwa.	10 – 12
3	Pe noviraisiro kutja ehungi ra resewa pu pa yenene. Omeripura tjiva okuza mehungi kwe ripurirwa nungwari aye ha nyatururwa pu pa yenene. Nao oombena na mbena pe nomapu omazeuparise.	7 – 9
4	Ehungi ra resewa kombanda uriri nokuhina omazuviro omasemba. Nao pe nozongondjero zokuhungama omeripura okuza mehungi kutja ozongondjero ṇḁa kapuzo okuyenenisa mbi mbi mavi undjirwa ko mepuriro tjinga inga omeripura nga amaye yandjwa momuano mbwi owo mbu ye ri mehungi.	4 – 6
5	Ehungi kari zuvakerwe nawa. Omeripura okuza mehungi ape kaye nyatururirwe poo okuripurirwa. Ape ke nokutara ku indi ehungi poo ndi epuriro. Popengi ma tjangurura ndi ehungi uriri.	1 – 3
6	Eziriro popengi kari na indwi orupe na rumwe ku na indi ehungi poo epuriro. Mwa takavara omatjangururiro waindi ehungi nge hi notjiṇa tji maye heye.	0

Okutjanga

Otjitarero hi otji matji ungurisiwa okutara orupa ndwi rwokuresa rwepuriro oritja-3 kozongombe 5.

Oruti	Omahandjauriro	Ozongombe
1	Eraka nda ungurisiwa meziriro ri ri mondja nu ememena. Omeripura maye yandjwa nokutuwapo nawa nu momuano omuzuvise mbwa pwire po mu indi eziriro arihe moubombamba waro. Ma ungurisa omuano nomuhapo omusemba. Omapu, omeripura noumune vya woronganisiwa navi yandjwa momuano omumanise mu indi eziriro arihe moubombamba waro nokuhina okutera.	5
2	Mu norutumbo rwomambo oruhandjauke nomihewo ku kwe ripurirwa nawa. Eraka nda ungurisiwa eheze nu mari raisa ondando otja kepuriro. Ape ke nokutera momaungurisiro womuano nomuhapo mbwa pwire po. Omapu, omeripura noumune vya woronganisiwa navi yandjwa nawa mu indi eziriro arihe moubombamba waro ape nokuhina okutera.	4
3	Orutumbo rwomambo neraka nda ungurisiwa ra pwire po nu nao mu notuwondja twomihewo mbi mavi hondjasana. Ma tjiwa omuano nomuhapo waihi otjiungura kutja pemwe nao ma tere. Kutja ndi eziriro opuwo ra woronganisiwa nawa, nao mu nozondataiziro mondungiro yaihi otjitjangwa.	3
4	Orutumbo rwomambo neraka nda ungurisiwa popengi ri ri nawa kutja ma ungurisa omambo neraka rakauriri. Omuano nomuhapo opuwo nao ombi ri vyo. Ondungiro yaindi eziriro mai tɛnduna nu nao ma tjangurura omambo poo oumuhewo ousupi okuza mu indi ehungi osemba.	2
5	Omuano nomuhapo waindi eziriro kau pwirire po hi otjiungura nu kamukahu mu ihi otjiungura atjihe moubombamba watjo. Kamu notuwondja twomihewo pekepeke. Eraka ndi mari ungurisiwa kari pwirire po hi otjiungura nawa. Ondungiro yaindi eziriro mai teratera nokuivaiva nu kape nomaworonganisiro omawa.	1
6	Eziriro kari na inga omaheero na yemwe.	0

Otjihohwa o-C: Otjitarero tjOmatjangero Omahapokasana (Ombapira 2)

Eraka nOmuano

Oruti	Omahandjauriro	Ozongombe	Oviorera
1	Omemea; osenginina; orutumbo rwomambo orusemba; ondugiro yondengu yokombanda; omahapeno wotukondwa ye ri nawa tjinene; okumuna oviṁa momuano wapeke; ape kai nozondataiziro.	17 – 20	<i>Okutja ma humbura ko, ozonane ozondwe otji maze tuurunga momukova we naze tapakaṁa onyama ngunda amaze riṁeere pokati komatupa we okuyenda kokwara. Ombinḁu mai toto komutima. “Tiiṁtiii ...” ongo kai ka nwine. Ondungo ya hiti momuriu neye otji ma tarere imbwi mbu ha pasanewa wongangura ya Mukazatjikovi tji mau pakuka ku nouye wakuṁanguno.</i>
2	Eraka nde ripurirwa; nao u nongamburiro mu ye omuini tji ma ungurisa omiano vyeraka; omahapeno wotukondwa kwa tarewa nawa; i ri nawa mondja; orutumbo rwomambo maru yende nawa; ozondataiziro ovitovatova.	13 -16	<i>Oko katja make humbura ko, nu naa indi ondapita omukonge. Ombihi ye kehakana rumwe nai twere mo onyara ondwe. Ape sewa tjo, ari kezevaza amaze kandwa!</i>
3	Ma twa po momuano mbu mau hitasana nu e nondando; orutumbo rwomambo ru ri nawa; otjiungura tja hapewa moutukondwa momuano omuzuvakwa; ozondataiziro omu ze ri nungwari ounongo mbwi wombutiro meraka nomuano ma raisa.	9 – 12	<i>Epuku rapiti, mena rokutja handje kari no ku tjiwa kutja okambihi ke riṁara popezu mbo. Okutja okambihi ariretji katuka ake rumata epungu ake zepa.</i>
4	Ke nakuyenena nawa okutwapo ouripura; orutumbo rwomambo opurwo nao; omahapeno woutukondwa nao kamazuvakwa; ozondataiziro ozengi.	5 – 8	<i>Omambuku jerianga uṁuku okupaha ovikuria okutja rumwe karinokumuna okambihi okutja opuḁe zo kuzepeua ijoumbihi. Eyuva rimwe epuku rari mokombeisa okutja okambihi akeutu okurihonina. Ake kapura ake zepa ake ri.</i>
5	Mape ya a zuvakwa nungwari pouzeu; omihewo vyakauriri ombye ura; ozondataiziro za takavara tjinene.	1 – 4	<i>Oikuria jou mbihi tjinene omambungu rumwe oupihi uhonina ouokauzuvanga, oko kekapura nozo njara. Tjimanka puku aritupuka aririṁara.</i>

Omurya nOndungiro

Oruti	Omahandjauriro	Ozongombe
1	Onanyuṅe; omemena; i nondimwa poo epu romondivitivi ekahu; i na omakaendero; onḍuvise; mai hitasana mondungiro yayo; epu ra zuvakwa momuano omumanise; kai nokurikondoroka ya hungama epu nu i noure mbwa pwire po.	17 – 20
2	Omazuvakero omawa waindi epu; ondimwa poo epu romondivitivi mari munika omu ri ri; omeripura ku maku tarewa ya toororwa; omuhapo/ondungiro kwe ripurirwa nawa; popengi kai nokurikondoroka ya hungama epu nu i noure mbwa pwire po.	13 -16
3	Otjiungura tji tja ungurwa okuyenena, ma raisa omazuviro omazuvakwa wondimwa; ya woronganisiwa momuano mbu mau hitasana.	9 – 12
4	Opuwo mai zuvakwa, ongahu oombena na mbena; motuvezeveze nao kai nokukahuka nawa; opuwo nao i nondungiro.	5 – 8
5	Omurya nomeripura owakauriri; ongongorasaneno mai teratera; nao ohahirike nu kai tandaukire; nao pu i ri mbo oriyarukire.	1 – 4

Otjihohwa o-D: Otjitarero tjokunyamukurira ketjangwa (Ombapira 3)

OM4 OMATJANGWA

Okunyamukurira komatjangwa nohengu

Ovahongwa mave soku-:

OT1 nyamukurira komatjangwa amave tara kondando, omaheero nge ri poruhaera na wina omaheero omakoto nge ri momurya womatjangwa;

OT2 raisa kutja mave munu nokutjaterwa kutja ovi omerimwino, ozongaro nomapu omazuvisi mbu mavi raisiwa;

OT3 hungirira ko nohengu nungwari noukeke amave yandja ondjivisiro ndji ve rizuvisa.

Oruti	Ozongombe	Omahandjauriro
1	17 – 20	Omeripura, omapu, ozondando zomutjange, ozongaro, eraka, nv. vya havehwa ; aruhe ma tara nawa nohengu ku indi etjangwa nokuhina okuyetamo oumune mbu hi nokuzeuparisiwa; ra yenenisa avihe, ma pangura nokutoorora ouhatoi okuza metjangwa mbu ma zeuparisa na wo omapu ngu ma twa po oukahu nu otji ma zuvisa nawa.
2	13 – 16	Omeripura, omapu, ozondando zomutjange, ozongaro, eraka, nv. vya pangunwa ; ma raisa nawa omahavehero omanahengu waindi etjangwa omuano mbwe rizuvisa; ma toorora ouhatoi mbwa pwire po okuza metjangwa, mbu ma zeuparisa na wo omapu ngu ma twa po nawa nu oukahu.
3	9 – 12	Omeripura, omapu, ozondando zomutjange, ozongaro, eraka, nv. vya setururwa ; ma raisa omahavehero nge rizuvisiwa ohunga na indi etjangwa; ma toorora ouhatoi mbwa pwire po okuza metjangwa mbu ma zeuparisa na wo omapu ngu ma twa po.
4	5 – 8	Omeripura, omapu, ozondando zomutjange, ozongaro, eraka, nv. kwa nyamukurirwa ; ma raisa oumune mbwi osemba uriri ohunga na indi etjangwa, omahavehero omaheṇa; ouhatoi mbwa toorora okuza metjangwa ouzuvakwa, nungwari kau taurirwe.
5	1 – 4	Omeripura, omapu, ozondando zomutjange, ozongaro, eraka, nv. vya handjaurwa ; ma raisa oumune ouheṇa ohunga na indi etjangwa; ape kape raisirwe ouhatoi okuza metjangwa.
6	0	Eziriro kari na indji onḁengu yokumuna ongombe.

Otjihohwa o-E: Omirari vyomakaendisiro womarorero woposikore (Ombapira 4 & 5)

Ombazu & Otjiwana: Omarorero woposikore

Omakeendisiro

Orutuu rwomaunguriro

Omarorero woposikore ye sokumanuka komaandero wekweze oritjavari.

Ongondononeno

Ovarorwa mave toorora otjiune tjimwe tjombazu, tj. otjiungurisiwa, outjina, omuhiva, ounongo wombazu ohomonena poo oukwatera, omeripura, omamemwatjangwa, nv. Movina mbi mu novina mbi notjina nongaro novitjitwa vyomuhoko tjimuna: ongwatero yomuatje, omarukiro wena, omatikukiro womuatje (omukandi wokuteya okati komuhama, omasanekero wekori/wotjikaiva), omavarekero nomukandi worukupo, okurya motjoto, ondiro nombakero, etando nomutambo, oviyamberero nomaamberero, omizaro vyombazu, omaruwo novinenge vyongamburiro na vyarwe ovingi. Omurorwa ma tyasana nomiṭiri ye ohunga nepu eye nda toorora okukatjita ongonḁononeno. Eye ma zikamisa omapuriro poo ozondando ohunga na imbi eye mbi ma vanga okukakonḁonona; a raisa kutja ozomburo ze (ovandu mbu ma kapura, ovitjitwa mbi ma katarera, amatjangwa ngu ma karesa tji ye ri po, otuveze tu ma kataru) oozeṇe; a raisa omuano eye rumwe mbu ma panguna nokusosonona ondjivisiro ndja wongo. Omurorwa tja zu nokusosonona ondjivisiro ndja wongo otji ma tjanga orapota ye ndji mai kara noure womambo ape 700 – 1 000 nao. Motjivarero tjomambo hi kamu notjivarero tjomambo wotutuu eye tu ma hoho ku indji orapota tjimuna oviperendero, omapuriro nomaziriro, omahungi nga tjangururwa, omana wozomburo ze, nv.

ONDYERO YONGONDONONENO			
Ena rosenda:		Onomora yosenda:	
Ena romurorwa:		Onomora yomurorwa (tji i ri po):	
Ena rosirambesa:		Okouta yosirambesa:	
Ena rombapira:		Onomora yombapira:	
Omarorero:	Ndengani/Tjikukutu 20.....		
Epu:			
Ondando yongondononeno:			
Omiano vyomawongero nomapanguunino wondjivisiro:			
Ozomburo ndu mape ya nde ri po (imbi mavi yenene okurira otuveze tu matu kavarurwa, ovitjitwa mbi ma katarera, ovandu mbu ma kakunda, nv.):			
Osaena yomurorwa: Omayuva:			
Osaena yomiṭiri: Omayuva:			

Otjikotji

Kotjikotji ttorapota yomarorero woposikore ku sokukara ena romurorwa, omayuva ondyero yongondononeno tji ya yakurwa, omayuva mbi oviungura tji vya ungurwa okumanuka, ena repu ndi mari kondononwa, oruyano rwomitiri rwokutja imbi tjtjiri oviungura vyomuhongwa omuini na wina omambo omasupi okuzeuparisa ongombe eye ndja yandja. Ohepero tjinene kutja omitiri i zeuparisire ongombe oyo ndji ya yandja koviune vyomahavehero wondengu yoviungura otja komaundjiro nge ri po moruti mu mu nongombe eye ndja yandja.

Otjhorera: Otjikoti – Omarorero woposikore (ongondononeno)

Ena romurorwa: Onomora yomurorwa:

Omayuva ondyero yongondononeno tji ya yakurwa:	
Omayuva oviungura tji vya yandjwa:	
Epu/otjiuṅe tjombazu:	

ONGOMBE OSENINA

Embo romiṭiri:

.....

.....

.....

.....

.....

.....

.....

.....

.....

Oruyano rwomiṭiri: Ami mba me yanisa kutja ongonḍononeno ohunga notjiuṅe tjombazu ndji ya toororwa i yomurorwa omuini kombunda yokutyasana na ami, na ingwi okutja ami mbe mu vatera nga pomayakuriro waindji ondyero yongondononeno uriri. Kombunda yomayakuriro waindji ondyero yongondononeno, ami hi mu pere ombatero na imwe, okutja mena ranai otja kondjiviro yandje, otjiungura hi (ku kwa hohwa ondyero yongondononeno otja tji ya yakurwa moruveze ndwo, naku tuwa omunwe nomayuva) otji tji ri otjiungura tjomurorwa omuini.

Ena romiṭiri:

Ekutwana romiṭiri: Omayuva:

Omatarururiro i yorupa rwomarorero

Omurorwa ma tjiiti otjherengururwa tzorapota ye nu indji oini arire ndja yandja komitiri. Omitiri mai tara orapota ndji amai ungurisa otjitarero tji tja pwire po. Ozorapota azehe tji za zu nokutarewa maze hindwa korupa rwomarorero (DNEA) okukatarururwa. Ovatare vopendje mba mave toorora okakoti kozorapota ndu maze tarewa posenda aihe nu arire ndu va tara. Rumwe mave zeuparisa ongombe ndji omitiri ndji ya yandja poo rumwe ave rundurura nda ozongombe tje ri ohepero. Ozosenda ngaze kare amaze tjiwa kutja omarorero woposikore nga ya kutwa kumwe nomarorero warwe nge purwa okuza pendje tjimuna nga wokunyamukurira ketjangwa nu munai ozongombe otji ze ha sere okuhivasana tjinene.

Omuano wokutoorora okakoti

Ovatarurure mave toorora okakoti kozorapota ku make kuramene po ozorapota zovarorwa avehe posenda ndjo nawa. Mape tarewa nawa kutja mokakoti nga mu kare oviune pekepeke vyombazu mbya kondononwa.

OMAHAVEHERO WONDENGU YОВIUNGURA

Ozongunde ku kwa zikamena omahavehero

Kohapo omatarero wondengu yoviungura maye rire omehinambeze ngu maye kondjo okumuna ngamwa ondoneno. Ovatare mave yenene okuyandja ozongombe okuza kombandambanda nga kehikehi otja poviungura. Okutja, kape nokuundjirwa kokutja ovarorwa kave sere okukara nozondataiziro kaparukaze kutja ve mune ozongombe nda zokombandambanda moruti kaani ndwo; ovatare mave sokuyandja ozongombe ndu maze hitasana pu pa yenene ku noviungura vyomurorwa. Moruti rumwe omuhongwa tja putara movina tjiva eye ma yenene okuyerwa i yovina vyarwe moruti otjingerwo ingwi omurorwa ma ungura nawa. Otjina otjinahepero okwo ngwi okutja ozongombe ngaze kare OMUANO UMWE aze rondo nokuheruka poo okuhivasana koviungura rumwe vyondengu imwe. Omitiri tji i ri imba mbe yandja ozongombe ngape munike nao nu tji i ri mba mbe kopa ozongombe ngape munike nao. A rire mba wa tirire mbena wa kopo. Okupitira momatarururiro i yovatare vopendje, ozongombe zosenda aihe maze yenene okurundururwa rumwe tji pa munika aayo ndji omitiri aai wondo ozongombe poo kutja rumwe oyo ya rarisira mba ovahongwa kotjito.

Ovina ku maku haveherwa ondengu yoviungura

Mape ungurisiwa otjitarero hi:

Otjitarero o-A: Omarorero woposikore – Ozongombe 20 (Ombapira 4)

OM5 OMAMEMWAHUNGI

Ombazu notjiwana – Omarorero woposikore

Ovahongwa mave soku-:

OH1 tjita ongondononeno, amave wongo ondjivisiro okuza mozomburo pekepeke zovinge vyombazu, ave i haveha nokuiraisa nawa;

OH2 nyamukurira kovinge pekepeke vyombazu momuano mbwa pwire po nu ave rizuvisa nawa;

OH3 hara oumune wavo oveni amave isire kondjivisiro ndji va toora movinge vyombazu.

Oruti	Ozongombe	Omahandjauriro
1	17 – 20	Wa tãtere nawa kondando yongondononeno nomapuriro ku ma vanga okumuna omaziriro; wa sostonona ondjivisiro ndja wongo nawa; aruhe ma zeuparisa oumune nomerizuvisiro we ama yandja ouhatoi okuza mondjivisiro ndja wongo; orapota mai hondjasana nawa nu ma nyamukurire ko omuini ama rondere ku indji ondjivisiro ndja wongo.
2	13 – 16	U ri momuhunga; ondando yongondononeno nomapuriro ku ma vanga okumuna omaziriro ovikahu; wa wonga ondjivisiro ndja yenene nu oku ma tara motjihungiriro; ma tara kouwune nomerizuvisiro; orapota mai hondjasana nu ozongondjero opu ze ri okuhondja oumune we ku na indji ondjivisiro ndja wonga.
3	9 – 12	Opuwo u ri momuhunga waindji ondando yongondononeno nomapuriro ku ma vanga okumuna omaziriro kutja nao katiti kape nokukahuka nawa; ooimba na mbena ma tara kouwune nomerizuvisiro pu pa yenene; orapota katiti kai nokuhondjasana nawa nungwari oumune mbu mau yandjwa wa pwire po.
4	5 – 8	Kai ri momuhunga nawa otja ku indji ondando yongondononeno nomapuriro ku ma vanga okumuna omaziriro; ondjivisiro ndja wongwa kapuyo nu otji i hi nokutara kondando nomapuriro nawa mena roukwanji wayo; popengi kai nokuhondjasana nawa nu oumune tjiva mbu mau yandjwa kau zikamenene kondjivisiro ndja wongwa.
5	1 – 4	Popengi kai nokutãtera kondando yongondononeno nomapuriro ku ma vanga okumuna omaziriro; ondjivisiro ndja wongwa popengi kai nokutara kondando nomapuriro; orapota tjinene mai serekarere poo okuhandjaura nu otji i nokusostononwa; orapota kai nokuhondjasana nu oumune ouingi wapo kau zikamenene kondjivisiro ndja wongwa.
6	0	Otjiungura katji nondengu yokumuna ongombe.

OMARORERO WOKUHUNGIRA NOKUPURATENA

Omakaendisiro

Orutuu rwomaunguriro

Omarorero wokuhungira nokupuratena maye sokutjitwa omueze komurungu womarorero nga omanene wokutjanga aye hi ya uta. Ihi tja tjitirwa kutja pe kare oruveze ndwa yenene okuhinda omitwaro korupa rwomarorero ku mavi katarururwa. Ozosenda ozeni ondu maze zikamisa otuveze tu twa pwire po omarorero nga pu maye tjitirwa.

Oviungurisiwa vyomarorero

Kape nombapira yomapuriro komarorero nga. Oviṇa ku maku haveherwa ondengu yoviungura norutuu mu mamu woronganisirwa nda ozongombe (OASF) mavi sokukara posenda komurungu woruveze. Ngape ungurisiwe ou-CD novikambure vyomaraka vyoyuye wanambano porwavyo. Oukasete mbwi owanare kau nokuyakurwa.

Ovakaendise vomarorero/ozomiṭiri

Kohapo ozomiṭiri nde honga Otjiherero ondu maze kaendisa omarorero nga. Nungwari ozosenda wina maze yenene okukuta ovakaendise vomarorero varwe mbe ha ungura pozosenda ndo nungwari mbe nomahongerero nondjiviro ndja yenene okukaendisa omarorero nga. Tji mape yenene, ozosenda maze ṅangerwa ko kutja ngaze ungurise omukaendise vomarorero umwe orundu nao otji mape kara omaunguriro nge ri pondondo imwe.

Omakamburiro womaraka wovarorwa

Ovakaendise vomarorero (ozomiṭiri) maze kambura omaraka wovarorwa avehe **Orupa o-A & B**. Otuveze pu pe norurokoho ngatu pengwe tji mape sorwa nu ondokohero ndji ri mehi rokongotwe ngai isiwe mo. Ohepero tjinene okutjiro mbi ovikambure komurungu womarorero.

Oviorera vyokutja omukaendise vomarorero ma yenene okutjivisa vi nga omarorero motjikambure:

Ena rosenda	:	Ruacana Vocational Secondary School
Onomora yosenda	:	NAO80
Omarorero	:	NSSCO Otjiherero otjEraka Etenga Osirambesa 4107 Ombapira 5 – Omarorero wokuhungira nokupuratena

Omukaendise vomarorero	:	Miṭiri Bruce Kavehamo
Omayuva	:	4 ^{ku} Ndengani 2020
:	:	

Kuzambo omurorwa auhe otji ma tjiukisiwa nai

Onomora yomurorwa : (otjihorera) 0396

Ena romurorwa : Tjilyo Mukondeli

Komaandero wainga omarorero nomakamburiro womaraka omukaendise vomarorero ma tja: **INGA OMAANDERO WOMARORERO.**

Omuano wokutoorora okakoti

Ohepero tjinene kutja okakoti kovarorwa ku ka toororwa ke kuramene po ozongombe azehe nda yandjwa posenda kaani ndjo. Okutja, mokakoti kaimba mba toororwa mu sokukara ovarorwa mba vozongombe zokombandambanda, vomokati na imba vokehikehi. Ozosenda ozondiṭi rumwe nde novarorwa kehi yomurongo, ovarorwa avehe mave rire orupa rwokakoti nga. Kozosenda ozonene nde novarorwa omurongo poo kombanda yomurongo mokakoti ku

make toororwa nga mu sokukara ovarorwa omurongo. Omitiri tji ya zu nokukambura ovarorwa avehe otji mai nana ovarorwa mba mbu mave kara mokakoti nga nai ke twa moka-CD peke. Pendje na ingwi okutja inga omaraka wovarorwa avehe maye hindwa, osenda oini wina mai sewa nokopi yawo ngu mai tizire posikore koure wozombura ndatu.

OMAHAVEHERO WONDENGU YОВIUNGURA

Ozongunde ku kwa zikamena omahavehero

Kohapo omatarero wondengu yoviungura maye rire omehinambeze ngu maye kondjo okumuna ngamwa ondoḱeno. Ovatare mave yenene okuyandja ozongombe okuza kombandambanda nga kehikehi otja poviungura. Okutja, kape nokuundjirwa kokutja ovarorwa kave sere okukara nozondataiziro kaparukaze kutja ve mune ozongombe ḱḱa zokombandambanda moruti kaḱḱi ndwo; ovatare mave sokuyandja ozongombe ḱḱu maze hitasana pu pa yenene ku noviungura vyomurorwa. Moruti rumwe omuhongwa tja putara moviḱa tjiḱa eye ma yenene okuyerwa i yoviḱa vyarwe moruti otjingerwo ingwi omurorwa ma ungura nawa. Otjiḱa otjinahepero okwo ngwi okutja ozongombe ngaze kare OMUANO UMWE aze rondo nokuheruka poo okuhivasana koviungura rumwe vyondengu imwe. Omitiri tji i ri imba mbe yandja ozongombe ngape munike nao nu tji i ri mba mbe kopa ozongombe ngape munike nao. A rire mba wa tirire mbena wa kopo. Okupitira momatarururiro i yovatare vopendje, ozongombe zosenda aihe maze yenene okurundururwa rumwe tji pa munika aayo ndji omitiri aai wondo ozongombe poo kutja rumwe oyo ya rarisira mba ovahongwa kotjito.

Oviḱa ku maku haveherwa ondengu yoviungura

Mape ungurisiwa ovitarero mbi:

Otjitarero o-B: Orupa o-A Omayandjero wehungi kozongombe 10 (Ombapira 5)

Oruti	Ozongombe	Omahandjauriro
1	9 – 10	Wa yandja ehungi re ndi nomirya nomitjazi nawa;ehungi ri nondjivisiro onyingi nu oopoumune nongurameno ye. Ma twa po nawa mondja nu u nozondataiziro ozonditi; ma hungire nongamburiro mu ye omuini ama tamuna omambo nawa nokuwora eraka momuano mbu mau zuvisa; ma ungurisa eraka nda tongo ndi nomiano vyohungiriro neraka esenginine; ma ungurisa orutumbo rwomambo oruhandjauke nomihapo vyarwe vyeraka nawa.
2	7 – 8	Wa yandja ehungi re nawa; ondjivisiro ndji ri mehungi opuyo nu oopoumune we. Ma twa po nawa nangarire kutja nao u nozondataiziro momihewo mbi omizeu; popengi ma tamuna omambo nokuwora eraka nawa; porumwe nao ma kondjo okuungurisa omihewo omizeu; ma ungurisa orutumbo rwomambo nomihapo vyarwe vyeraka nawa.
3	5 – 6	Wa yandja orupa ndwi orunene rwehungi re kutja nao ma hepa okukundurwa oombena na mbena. Ombuze ye ongahu kutja nao u nozondataiziro; popengi ma tamuna omambo nawa komeho waimba eye pu me ye tamuna navi; ma ungurisa eraka epupu nungwari nda pwire po.
4	3 – 4	Wa yandja ondjivisiro ombupu noumune we nungwari tjinene ma kaendera kokukundurwa. Nao popengi ma tjiti ozondataiziro; ma kondjo okutamuna omambo nawa; omambo tjiva noumuhewo ousupi ma pimbura na warwe; orutumbo rwomambo oruheṅa nu nao otji ma yarukire nomambo tjiva noumuhewo ousupi.
5	1 – 2	Wa yandja ondjivisiro onḁiti nu popengi ndji hi notjiṅa na indi epu. Ma tjiti ozondataiziro ozengi tji ma hungire; ma tamuna omambo momuano mbu mau zuvakwa; u norutumbo rwomambo oruheṅa, oumbo noumuhewo mbu mau umbwa ku wo ouni.
6	0	Ke nokuyenena okuyandja ondjivisiro nangarire ndji ombupumbupu poo naa ndji ha pwirire po. Eye ke na indji ondjiviro ndji ma raisa yaindi eraka.

Otjitarero o-C: Orupa o-B Otjihungiriro kozongombe 20 (Ombapira 5)

Oruti	Ozongombe	Omahandjauriro
1	17 – 20	Omupaturuke ma nyamukura motjihungiriro; ma utu ehungi nu e ri kaendisa nokuhina okumwina; ma tandaura ndi epu na paha kutja ngwi ngu ma puratene ma nyamukurire ko; ke nokukaendera komapuriro womupuratene poo okuundja kutja ngwi omupuratene ma hitire pokati; ma ungurisa omiano pekepeke vyeraka osemba nu movikando nao momuano omunamasa poo omuyorokise, tj. otona, okaheho, okuṭaṭera komambo tjiva, nv.; ma nyamukurire komapuriro ouparanga, nu nongamburiro mu ye omuini; ma tara nokuripurira kouwune pekepeke; ma zeuparisa na tandaura oumwine.
2	13 – 16	Ma nyamukura motjihungiriro; nao pe noviraisiro vyokutja rumwe ma yenene okuuta ehungi nu e ri kaendisa; ma ziri otjingi tjomapuriro oukahu nokuhinambambaukire; ma kondjo kutja a ha kaendera komapuriro waingwi omupuratene poo okuundja kutja ngwi omupuratene ma hitire pokati; ma ungurisa omiano vyeraka mbya yenene nawa, tj. otona, okaheho, okuṭaṭera komambo tjiva, nv.; ma nyamukurire komapuriro momuano mbwa pwire po nu ouparanga movikando tjiva; movikando tjiva nao ma tara nokuripurira kouwune pekepeke; ma zeuparisa oumwine.
3	9 – 12	Mape ya a hepa okukundurwa kutja ma kaendise otjihungiriro komurungu; ma hungirire kepu pu pa yenene; ma ziri komapuriro omengi wapo momuano omuzuvakwa; korumwerumwe nao ma kaendera komapuriro waingwi omupuratene poo okuundja ngwi omupuratene kutja ma hitire pokati; ma ungurisa omiano vyeraka nawa, tj. otona, okaheho, okuṭaṭera komambo tjiva, nv. aayo ma nyongoha nao nungwari momuano mbwa pwire po; ma raisa oumwine nu korumwerumwe nao e u zeuparisa.
4	5 – 8	Kaṭiṭi ma ivaiva nokukeyakeya nu otje hi nokuhungira ousopoke; nao pe nomeripura nge notjiṇa na indi epu; ma ziri omapuriro nomakunduriro omaṭiṭi uriri; ma kaendera komapuriro womupuratene; ouzeu ku ye okuungurisa omiano vyeraka nawa, tj. otona, okaheho, okuṭaṭera komambo tjiva, nv.; nao ma yenene okuyandja ombuze ndji nomaheya.
5	1 – 4	Ma ivaiva nokukeyakeya tjinene nu otji ma hungire momuano mbu hi nokuhitasana; ma ziri ousupi nu momuano mbu hi nokuhondjasana; ke nokuyenena okuzira omapuriro nomakunduriro; opuwo ma kaendera komapuriro womupuratene; ke nokuyenena okuungurisa omiano vyeraka, tj. otona, okaheho, okuṭaṭera komambo tjiva, nv.; nao ma yenene okuyandja ombuze ndji nomaheya.
6	0	Ke notjiṇa tja hungire kutja ma yenene okumuna ongombe.

Otjihohwa o-F: Omahandjauriro womambo nga ungurisiwa

Otjiherero	Omahandjauriro	Otjiingirisa
ongongorasaneno	Ondeto ovitjitwa mbu vya tjitwa poo mbu vya tezasana/hondjasana	sequence
omumenga norunakwi	Orupe pokati kovitjitwa poo koviṇa, tjimwe rumwe pu tja tjitwa mena ratjarwe poo pu tja etisiwa i tjarwe (omuharira)	cause and effect
rizuvisa nokuwaneka ondjivisiro	Okuseturura omuano mbu wa zuu nokuworonganisa ondjivisiro ndji ri moundondi ndja zu mokurizuvisa ndji	interpret and synthesise information
ounouta	Outjangwa ousupi tjinene mbu tjangerwa okuzemburukisa indu omundu tji ma puratene poo tji ma rese	notes
okusasaneka nokupangura kumwe	Okutara komuano oviṇa (poo omeripura) mbu mavi hitasana (mbu mavi i kumwe) nomuano mbu mavi pitasana (panguka)	compare and contrast
omapuriro ku ku ha undjirwa ko eziriro	Epuriro ndi hi neziriro nu kohapo ndi purirwa okupuka/okunana ombango poo okuzuvisa ovapuratene/ovarese poo rumwe okuṭaṭera kepu kaṇi ndo	rhetorical questions
omapuriro omapaturuke	Omapuriro nge hepa omeripura nomazeuparisiro, nge ha hepa embo rimwe poo omaziriro wo “ii” no “kako”	open-ended questions
omaungurisiro weraka otja potuveze novitjitwa pekepeke	Eraka nda pwire ongaro ndji ri po poo otjitjitwa kaṇi ho, tj. eraka roponḍiro ra panguka keraka ropokamukandi	register
okurizuvisa otona yomuhungire poo yomutjange	Otona omuano omuhungire mbu ma yere nokuherura eraka nga komambo omutjange poo omuhungire ngu ma ungurisa kutja ye kune otjivepo kaṇi ho	interpret tone of speaker or writer (author)
ongaro, otjivepo nondimwa	Ongaro omuano omuhungire/omutjange mbwe muna epu ku ma hungirire/tjangere, oyo tjinene i horrorwa i yomambo ngu ma ungurisa, ondungiro yomihewo neraka eundika; ongaro yomutjange/yomuhungire ondji kuna otjivepo tji matji hingi mu indi ehungi/etjangwa, tj. ondira, omazenge, ondjoroka, omakurungiro womomuinyo, enyando; nondimwa omeripura nga ohongora ku maku rondere ndi ehungi	attitude, mood and theme
okuisirako oumune	Okuhara oumune mbu ha twirwe po ongarate amo isire ku imbi mbi mo tjiwa (mbya	draw inferences

Otjiherero	Omahandjauriro	Otjiingirisa
	tamunwa) mbya raisiwa	
okuzikamisirako ongurameno	“okuresa pokati komikoka” okuyendekera mbi omutjange mbye ha raisire ongarate (tara kokuisirako oumune kombanda mba)	draw conclusions
okumwinako kutja	Okuzikamisirako ongurameno komerizemburuka nge ri po nu nge ri ouatjiri, tj. $2+1=3$ okutja $1+2$ ma sokurira 3	make deductions
okunyaturura omeripura	Okurondera kondunge rumwe ndji ri mehungi poo metjangwa nokuiparangisa amo tara kondjivisiro ndja yandjwa pamwe nomeripura ngu wa vazewa na wo na ngu we ripura na wo	develop ideas
omuano omuzuvakwa	Omuano omuzuvakwa otja komerizemburuka, omaundjiro nge ri po poo ozongaro nde ri po nu nokuhinangarera poo osuverengo	logical manner
okuwora nokuzeuparisa omambo	Okuyera eraka poo okuwisa nokuṭṭera komambo tjiva mongondjero yokutja imba mbu mave ku puratene ve ku zuve nu ve ku twaerere nawa	intonation and stress
ovinyae	oviṇa ovinane vyombango, okupendura onḡero, okuhara omunia poo okutjaterwa okutjita otjiṇa	stimuli
ehungi eherirongerisirwe	Ehungi omundu nde hepa okuhungira aa putukirwa uriri e ha tjivirwe kutja ma kahungira.	impromptu speech
omahondjambo nomahondjauripura	Omambo nge kuta omambo poo oumuhewo ousupi ku nomiweziwahewo poo ku nomihewo kutja ouripura u hondjasane nawa, tj. orundu, tjinga, nangarire kutja, moruveze orutenga, nw.	conjunctions and connectives
omurikehewo	Omuhewo mu mu netjite rimwe norupa rwetjitambo rumwe	simple sentence
omutuwakumwehewo (omuhondjwahewo)	Omuhewo mu mu netjite komeho warimwe na wina orupa rwetjitambo komeho warumwe – nao omihewo vivari omikutuke mbya tuwa kumwe amape ungurisiwa ehondjambo poo ondjanḡe (;)	compound sentence
omuhandjaukahewo	Omuhewo mu mu nomuhewo ohongora (mbwe rikuramene) nomuweziwahewo (mbu hi ye rikuramena), tj. Ombwa <i>ndji rumata</i> ya rara.	complex sentence
omuweziwahewo	Orupa momuhewo mu mu netjite norupa	clause

Otjiherero	Omahandjauriro	Otjiingirisa
	rwetjitambo	
omutimbuhewo	Orupa kohapo ndu he ri omuhewo okuura nungwari ndu maru raisa poo okukuramenapo omerizemburuka kaaṇi ngo	phrase
ongaro (oumune) yotjivepo tjomutjange mbi he ri poruhaera	Omerimwino poo omeripura womutjange eye nge kuta ku na imbi eye mbi ma tjanga, tj. rumwe omutjange tji ma tjanga ohunga nokuti onguza tjandje ma zemburuka oviṇa (kutja rumwe oviwa poo ovivi) rumwe mbya tjitirwa mu ko nu mbye mu yeta poumune poo ongaro kaaṇi ndjo ohunga na yo	author's implicit attitude (opinion)
okaheho	Okuhungira omambo kutja ye yandje ombuze ndji mai pitasana nomaheero nga wopesarwa, tj. Tara otjirumbona tjoye! (Nangwari ngwi ngu ma hungirwa na indji okomikono vitatu mai ngara.)	irony
onyekera (ohihamise)	Ape tjimuna okaheho nao posiya onyekera i hihamisa nangarire kutja i hungirwa momuano tjimuna owenyando nao, tj. “Nambano amu ri omazumo aye surakana.” (nao okomuhepauke) Ripura nongura nu tjinene ndji yonḡiro.	sarcasm
ondando yomutjange	Omuano omutjange mbu ma vanga kutja owarese ve ve ripure, ve rimune, poo mbi ma vanga kutja ve tjite	author's intention
ongarera	Okuhendeka omundu poo otjimbumba momuano popengi omuhasemba	bias
oumune ouzuvakwa (ondjivisiro onḡuvakwa)	Okupangura oviṇa kumwe poo omuano wokumuna oviṇa nokuripurira ku vyo amo isire kondjivisiro ndji wa toora poo omuano mbu we rizuvisa	informed (logical) opinion
omihingo vyokutjanga (mbi weza omaheero kovitjangwa)	Omiano vyomatjangero tjimuna omaneneparisiro woviṇa, okuyarukira omambo, ongongorasaneno yomambo, nv. ovingi mbi tjitirwa okuweza omaheero	stylistic devices (which give auxiliary meaning to writing tasks)
omarukambo (omerikuramenambo)	Embo nda ruka oviṇa, tj. omundu, ekori, ombwa, nw.	nouns
omapingenambo	Embo ndi yaruka moruveze rwerukambo, tj. eye (omundu), oro (ekori), oyo (ombwa)	pronouns
omahandjaurambo	Embo ndi tu raera ovingi ohunga nerukambo	adjectives

Otjiherero	Omahandjauriro	Otjiingirisa
	poo epingenambo, tj. Eye (omundu) otjindandi. Oro (ekori) ewa. Oyo (ombwa) ependa.	
omamangururambo	Embo popengi ndi tu raera ovingi ohunga netjitambo (poo nangarire ehandjaurambo, emangururambo ekwao, poo omuhewo auhe), tj. We mu tono <u>ohamunyonene</u> . Eye otjindandi <u>tjinene</u> .	adverbs
omahungiriro omahungame	Omambo ohomonena womuhungire, otja tje ye hungire, tj. “Eta ndji vetere.”	direct speech
omahungiriro omahahungame	Orondu omambo ohomonena womuhungire tji maye kaserekarerwa i warwe ku warwe, tj. Eye wa tjere nga ete (ku ye) ma vetere.	indirect speech
omutjitahingo	Omuheho mbu mau hongorerwa po i yetjite, tj. Ongombo mai ri oviyao.	active voice
omutjitwahingo	Omuheho mbu mau hongorerwa po i yetjitwa, tj. Oviyao mavi riwa i yongombo.	passive voice
omahatjimwe	Omambo ape nge nomaheero yemwe, tj. yezera – pata	synonyms
omapirurambo	Omambo nge nomaheero nga panguka, tj. hita – pita	antonyms
omatjangwatjimwe	Omambo nge tjangwa tjimwe nu nga panguka momaheero, tj. ongoro (knee), ongoro (zebra)	homographs
omaposatjimwe	Omambo nge tjangwa tjimwe poo nge tamunwa tjimwe naye panguka momaheero, tj. ondera (aeroplane), ondera (bird)	homonyms
omasasanekeero (omahahungame)	Omasasanekeero wovina vivari kumwe amape ungurisiwa omambo tjimuna “otja”, “owa”, “tjimuna”, tj. U nomutima tjimuna owombahe.	simile
omatjamisiro	Omasasanekeero wovina vivari kumwe osemba, tj. Eye ombahe uriri. (omure poo u nomutima omuwa)	metaphor
omaketisiro: - womapose - womaposapamwe	Ovihorera: Wozomboko nozombokorwa Wozomboko nozombokorwa	- assonance - alliteration
omasengininiro woundu	Otjina tji tji he ri omundu tji tja pewa ovikana vyovandu. Outuku mbwo ombungu ya tokerwa <u>amai yorayora</u> .	personification

Otjiherero	Omahandjauriro	Otjiingirisa
eraka eundikwa (eundika)	Eraka mu mu ungurisiwa omambo nga panguka ku nomaheero wawo nga wopesarwa, tj. Ekuryoma ari rimanga mo, ari saravareke. (omutjise mbwa ramanga omundu nganda au zepa)	figurative language
omaheero woporuhaera (wopesarwa)	Omaheero womambo otja kohapo (pesarwa) poo ehungi otja tji ri ri.	literal meaning
omaheero omaisirwako	Omaheero nge isirwa kondjivisiro yarwe.	inferential meaning
omasengininiisiro	Eraka esenginine rumwe mu mu neraka eundika poo ndi mari eta oviperendero vyomerizemburuka mbi hi nokumunika keho rakauriri.	imagery



The National Institute for Educational Development

P/Bag 2034

Okahandja

NAMIBIA

Telephone: +264 62 509000

Facsimile: +264 62 509073

E-mail: info@nied.edu.na

Website: <http://www.nied.edu.na>

